


河內縣志

九至十四



DS
793
H52C76
1825
v3



山川志

河內縣志卷第九

言地域者必先推表山川蓋山川者地理之經緯也山以宣其氣水以流其情萃焉推焉灑焉播焉而民性生焉風俗形焉命邦邑表宅閭胥於是成焉縣居太行之首崇岡複嶺屏列於北而腹縈沁水聯以丹濟川原脈絡於是爲大考驗命古詳其端委爲山川志

太行山在縣北二十里山海經北次三經之首曰太行之山郭璞注今在河內野王縣西北漢書地理志並云河內郡野王太行山在西北列子湯問篇作太形山又名泰峒淮南子武王欲築宮於五行之山周公有五行詩曰德能覆也高誘注今太行山也左傳齊侯伐晉爲一豫入孟門登太行穆

天子傳天子命駕八駿之乘赤驥之駟南征翔行逕絕翟道
升於太行南濟於河五代漢初河陽來附契丹崔延勳等自
澤州引兵南逼河陽嵩山賊帥張遇赴救戰於南阪敗死
今河內山麓曰太行南阪也元和郡縣圖志引述征記曰
太行首始於河內北至幽州乾隆府志云太行山西自濟源
東北接河內修武輝縣林縣至磁州縣互數千里其間峯壑
巖洞景物萬狀雖因地立名實皆太行也爲中州巨鎮禹貢
述齊於王屋太行恒山至於碣石導山先以王屋繼

太行之首皆在太行源於仁山曰太行爲河

之首皆在太行源於仁山曰太行爲河

之首皆在太行源於仁山曰太行爲河

元松巖野逸張道選桃花洞記云晉王良真人飛昇之所也上有三清洞清和觀桃花洞桃花洞元邱長春真人嘗居此鍊丹有磨崖石刻青天歌瑰麗奇偉真仙跡也山東爲紫陵村村倚蛟脊龕

東北三里爲蛟脊龕

舊志云在沐澗西南形如蛟龍脊背龕前有石刻蛟脊龕三字尙存年代失考

又東五里爲懸谷山懸谷泉出焉

舊志云在城西北四十里亦名元谷今名直谷寺府志云上有太平寺谿谷邃折危崖垂覆山腰靈泉迸出竹木陰

森多唐宋遺跡今考隋重造太平寺殘碑山舊名窄澗谷
殘碑尙存

見金石

唐僧肅然於此習禪遂著靈跡大歷七年肅上

人禪房記云夤緣六七里攀援數十丈一壁却立直戴雲
天兩崖翼張橫窺日月稽首則神靈交集笑語則雷風聿
興其磨崖石刻最夥金皇統中訊公和尚亦居此焉東二
里有仙神口上有二仙廟歲二月士女雲集四方來會頗
稱勝觀其北麓爲山西鳳臺縣也又有千佛巖見造像記
又東三里爲沐澗山沐澗泉出其寺西

舊志云在城西北四十里山勢四圍飛泉可沐女貞梧桐
遍覆崖谷新雨初霽異鳥歌鳴使人有遺世之想相傳晉
魏夫人修真於此今有沐澗夫人祠唐垂拱四年碑云孟

津南注控河流於馬頰太行北指啟山路於羊腸川原相
屬風煙交會鬱彼仙觀揭焉中立又云巨石崔嵬像蓮峯
而特秀奔泉瀾洒瀉松澗以飛湍微霽觸石而流津津飈
激泉而成韻瓊桃仙棗散綠垂紅珠實金條含紺佩紫八
林芳桂凌冬霰以揚葩五株仙杏負春而布葉莫不夾
戶蘿羅字之訛生垂簷接蔭可以返魂駐寄顏字忘憂愈疾洵
異境也其靈光胙蠻在宋元時尤盛歲旱禱雨應時甘露
故歷代崇之崇寧時賜名靜應廟名人遊覽刻石蓋以十
數其上有勝果院及鳴玉忘歸二亭鳴玉亭三大篆字尤

奇

又東五里爲紫金壇

舊志云在城西北五十里突高千仞羣峯拱向上多白松
每歲九日邑人登高於此曹石倉天下名勝志云紫陵澗
水出焉今亦名白松嶺

又東五里爲雲陽山

上有壽聖寺今名雲陽寺焉元中統元年重修寺記云懷
州之西北一舍餘里其山曰雲陽寺曰壽聖居山之中半
四顧之羣峯甘泉上湧西南埴圃下承東北右隣紫金之
巔陽瞻白玉之沁真蘭若寶方也其陰爲山西鳳臺矣
紫金壇南出八里爲臨川山有臨川泉焉

舊志云在城西北四十里山塢爲寺前後二池曰臨川池
臨川山東八里爲貝澗山貝澗泉出焉

水經注沁水又東倍澗水注之水北出五行之山蓋古名
倍澗也舊志云在城西北四十里兩山夾澗高可插天奇
峰林立長十里許幻化萬狀應接不暇澗水灤折至山口
而湫邑人曰倍澗口也

又東四里爲三尖山

府志云在城西北四十里三峯聳列故名金史正大九年
諸軍敗績於三峰山元兵與白坡兵合則三尖乃俗名耳
今考金哀宗正大止八年明年正月改元開興四月又改
元天興天興元年正月甲午元兵薄鄭州與白坡兵合丁
酉大雪元兵及兩省軍戰鈞州之三峯山兩省軍大潰是
合兵爲前日事而鈞州舊陽翟縣則三峯之不爲此山明

矣北三十里爲鳳臺縣

又東爲馬頭山山後爲方山

舊志云在城西北三十里上有石柱鐵環俗傳洪水懷山時民嘗繫舟於此方山舊記所無與城東北方山別一山也

又東二里爲藥仙山

在城西北三十里

又東五里爲太行陁

舊志云在城西北三十里一名丹陁連山中斷曰陁太行首始河內北至幽州中有八陁此其一也府志云土人名小口爲入晉徑道元和郡縣圖志云第一曰軹關陁在濟

源第二曰太行陁第三曰白陁在河內太行陁濶三步長四十里太平寰宇記亦同今候補縣倅吳君翰跋履山川經歷阻陁周流四旬登於簡記無可當白陁者殆人趨捷徑故道茅塞或土俗流稱本名遂荒卽小口之呼亦足證也上有關帝廟其陰爲澤州矣

又東十五里爲龍門山

舊志云在城北三十里今亦名月牙山上有白果寺焉其北爲山西

又東南出十里爲甘泉山

舊志云在城北二十五里泉甘木茂有甘泉寺焉其北麓二十里爲山西

又東五里爲紅嶺山

亦曰紅蓮山在城北二十五里其右爲甘泉山陽爲西萬村陰爲碗子城而郡邑舊志皆云在城西北亦不言其道里未詳何審

北出二十里爲碗子城山

舊志云在城北五十里山勢峻險其路羊腸百折中有平地僅一畝許唐初築城以控懷慶澤州之衝其城甚小故名有羊腸坡焉曹學佺天下名勝志云碗子城關在太行山畔羊腸所經瀑布懸流實險隘之地也顧祖禹讀史方輿紀要云太行山畔山勢險峻羊腸所經上有古城亦曰碗子城關元至正十八年汝陰賊大掠山西蔡瑣擊之自

河中進屯澤州塞碗子城旣而守將周全以懷慶叛降劉
福通察罕遣將守碗子城爲全所敗國初大兵攻山西自
碗子城北破澤潞蓋南北要道也其言國初謂明初今有
大口一通澤州焉

又東南出十五里爲水峪山水峪泉出焉

舊志云在城北四十五里泉流石磴間夜靜琤琮如聞琴
瑟取以煮茶其味甘美邑中諸泉無出其右兩山葱蒼淹
潤可嘉上有水峪寺爲習靜者所憩

又東南十五里爲孤山

舊志云在城東北五十里遠望如栲栳然四面陡絕丹水
蜿蜒繞其下俯視羣峰似兒孫羅列土人祀真武於其上

每上巳日士女駢集北麓爲山西

栲栳山前爲九峰山

九峯連綿故名山麓有九峯寺丹水自栲栳山下屈曲南
流過九峯山出流於平地

又東二十里爲鳳凰山

在城東北三十五里俗所稱圪墻坡也

又東五里爲靈山

在城東北三十五里俗謂之靈山廟

又東十五里爲方山

舊志云在城北四十里蓋字誤東北非正北方也四面峯
巒突兀丹水繞其北土田平曠頗爲腴美讀史方輿紀要

去周圍方正可容數百人也

又東十五里爲明月山課蜜泉靈井出焉

舊志云在城東北四十里山形如員月上有大明禪院清風菴皆金大定時山僧空相之所造也大明禪院在元爲寶光寺今爲月山寺自山坳層構而上最後爲憑虛閣高峻舒豁可以登高可以眺遠俯視其下田塍皆如圍畦烟火相屬縹緲不絕元寶光寺記所謂南則大川宏曠延袤嵩少北則羣峯高峙盪摩霄漢西綿盤谷東揖百巖者也閣右爲蒼公洞左卽課蜜泉從高至下松栢交蔭其極高處又多古栢或以爲皆空相以子彈著其上故名彈子栢云遊人多題壁者乾隆十五年九月

聖駕巡幸

駐蹕寶光寺蓋邑最勝處也山北柳樹溝出焉爲至潞安府
隘口

又東五里爲柏山

舊志云在城東北五十里上有劉自然庵址

又東三里爲金傘山

舊志云在城東北五十里奇巖峭壁崒嵒可愛上有萬壽

觀

又東十里爲雲巖山

舊志云在城東北五十里山谷深邃雲氣氤氳故名

又東十五里爲十二里山

舊志云在城東北六十里山麓旋繞凡十二回讀史方輿
紀要亦云

又東十五里爲青山

俗名佛坡山舊志云在城東六十里倚太行之側林木青
翠因名亦見讀史方輿紀要

曹學佺天下名勝志引圖經云城北者曰方山孤山以位勢

方正介然孤立故名其在東北者曰明月山金華山

華傘字訛青

山雲岩山西北者曰馬頭山三尖山各去城三五十里負倚
太行之側轉望鬱葱中甚軒豁卓然雲表可以登眺有明月
寺在明月山萬壽觀在金傘山石柱鐵環在馬頭山所言皆
與今同圖經不知何人所作惜不可得也今縣北面自西北

迄於東北列若屏障都與山西爲境其道途所出尤爲要害故誌之加詳焉

沁水源出山西沁源縣經陽城縣出太行山經濟源縣東北沙溝村入縣界窰頭村

水北岸爲縣之利下二箇窰頭村其南岸爲濟源縣地齊召南水道提綱沁水經懷慶府西北濟源縣之太行山東南流經窰頭村南今窰頭村在紫陵鎮北紫陵鎮在武頭村少東北以置之實皆利下二箇也水入縣以北岸爲

先故詳次水道皆以北岸言之

山海經謂戾之山沁水出焉漢書地理志上黨郡穀

遠縣羊頭山世靡谷沁水所出水經沁水出上黨涅縣謂戾山注沁水卽涅水也或言出穀遠縣羊頭山世靡谷案地理志涅水出涅縣沁水出穀遠縣其源自別穀遠蓋今沁源縣地經又言水南出山過沁水縣北又東過野王縣

北注沁水南經石門世謂之沁口魏土地記曰河內郡野
王縣西七十里沁水左逕沁水城西附城東南流也案
沁水縣蓋在今
濟源縣東北境

東南經長溝村安泉水入焉

安泉水出陽洛山麓縣西北第一泉也連環五六泉若貫
珠然土人名果泉東南流至小王范村屈南流穿村出沁
堤依堤東流經長溝村南南流入於沁沁水南岸爲縣之
清下四畝覆背村也

又東南經龍泉村堯池水入焉

堯池水一名安阜河仙人河出陽洛山東仙人口南流七
八里磨石嶺當其衝水分爲二一逕東紫陵鎮西一逕西
紫陵鎮東各行五六里復合爲一東流入安阜河安阜河

出城西北三十里太行山麓捏掌村泉畔有堯廟廟前處
處有水掬手可飲匯而東南兼葭掩映灌田可粳流二十
里入於沁沁水南岸西王曲鎮也水道提綱又東南至府
西北有一水自西南來注之案今城西北並無西南來注之水安阜河自西北而來注於沁或南字誤水涇注沁水又東逕沁水亭北世謂之小沁城沁水又東合小沁水水出北山臺亭淵南流爲臺亭水東南入沁水案今無所謂臺亭水者縣舊志古蹟圖卽以堯池水爲小沁水而府志云小沁城卽覆背村龍泉村在其東堯池水於右出焉與注適合堯池卽小沁水又名臺亭水也水道變遷古今異名理或然歟
又東經沁陽村邳水注之

邳水出城西北二十里邳泉村土人名葦園泉在邳臺鎮

東南南流十餘里倍澗寺東入沁其流甚微傍泉栽蓮風

翻馥郁堪稱香國

水經注沁水又東倍澗水注之城北出五行之山南流注於沁案倍澗今名具

澗府志云今在城西北具澗山泉出兩山之間南出迤西行俗名石子河南流數里至衛村東合堯池與水經注異矣水經注沁水又東邾水注之水出太行之阜山卽五行之異名也水南流逕邾城西故邾國也城南有邾臺京相璠曰今野王西北三十里有故邾城邾臺是也漢武帝封李壽爲侯國邾水又東南逕孔子廟東東南逕邾亭西又南流注于沁府志云今水在邾城東與注文小異孔子廟故址在今七里橋邾亭雖不可考而倍澗寺當邾水西南出口處疑卽古邾亭歟

又東經縣北西沁陽村流浚渠入焉

沁水北岸諸渠皆出於丹水九道堰獨流浚渠上流不可見今自陳村其流方大南入於沁

又東康濟渠入之

康濟渠上流亦涇

又東經南華陽村下清南渠下清北渠入之

渠水上承丹水於九道堰五里至張家坡分爲二屈曲南行入於沁

又東經郭巨寺村又東經北金村永興渠入之

渠承九道堰水至白龍廟後雞心石分爲二東南行爲中
泗渠至沙灘園村復合焉永興渠屈曲南行約三十里入
於沁

又東經北金村東丹水合焉

丹沁交會在利上一畱北金村東距城東北八里其南岸
爲西王召村水道提綱沁水東經府城北而東有廣濟河
支津自西南穿城而東北流來會其北受大丹河水水勢
益盛水經注沁水東逕野王縣故城北水北有華嶽廟沁水又東朱溝枝津入焉又東與丹水合案朱溝枝津

無考殆卽水道提綱所云廣濟河支津者也而今穿城東北流入沁者爲濟水非廣濟支津廣濟支津又不穿城也濟水入沁在龍澗村東不與丹沁交會處相對

又東經劉村張金渠入之

渠承九道堰水一支爲小太保河東南行經七里長灘水順灘流入張金渠灘上爲小太保河灘下爲張金渠張金渠南流屈而東南三十里入於沁

又東經蔣村大太保渠入之其南濟水自西南來會焉

渠承九道堰水東南流至狄嶺村又東南行二十八里入於沁其南岸爲龍澗村濟水穿城自西南來合之

又東老武白沽二渠入之

渠承九道堰水至狄嶺村北播爲二其迤西爲老武渠迤

東者爲白沽渠各行三十里入沁

又東經胭脂莊張濟渠入之

渠承九道堰水東南流至十里店三郭渠水會之水自九道堰分流過新庄許良鎮逕店村至十里店合張濟渠東流三十里入於沁

又東南董下西渠董下東渠入之

渠自九府墳首受西民渠水南流至辛莊村分爲二地東者爲東渠逕西者爲西渠二渠各行三十里東渠至東界溝村入於沁西渠至陳村入於沁舊統名曰董下渠無東

西之別焉沁水南岸爲尙香鎮

水經注沁水又東光溝水注之也水首受丹水東南

流界溝水出焉又南入沁水又東南流逕成鄉城北又東逕中都亭南又合界溝水水土承光溝東南流長明溝水

出焉又南逕中都亭西而南流注於沁水也案今光溝界
溝長明溝之名皆不傳以地勢攷之西渠或可以當光溝
東渠或可以當界溝蓋二渠上流同出似與注合成鄉城
舊志云相傳府東二十五里沁河南向香鎮有古城壕即
成鄉城故址中都亭今為內都村
永敢臆斷述其治流以俟博聞

又東經內都村

其南岸為徐堡鎮

水經注又東南逕成鄉城北又東逕中都亭南謂沁水也而府志以為光溝水

云光溝水逕中都亭南不知上言又南入沁水則言光溝之事已畢下言又合界溝水則明為界溝之入沁而府志蓋誤讀也

又東經武格寨入武陟縣界

其南岸為武德鎮少東為西張計村入武陟縣境

水經又東過周

縣北注縣故周也有白馬溝水注之水首受白馬湖湖一名朱營陂陂上承長明溝水東南流逕金亭西分為二水一水東出為蔡溝一水南流注於沁也趙一清水經注釋云縣故周也之周當作州漢志河內郡之州縣也又水

經注清水篇清水又東南流吳澤陂水注之吳澤陂在修武縣西則界溝水入焉水有二源北水上承河內野王縣東北光溝爲長明溝溝水又東逕射犬城北東入石澗東流蔡溝水入焉水上承周縣北白馬溝東分謂之蔡溝東會長明溝水案武德鎮卽古州縣城也元魏於此置武德郡見武定五年武德郡于府君義橋石象碑金亭或謂卽今之金城鎮射犬城北清化鎮東南白馬溝長明溝無可攷證沁水北岸武格寨西有白馬口村或卽白馬溝水注沁之地注言一水東出爲蔡溝今一水東出經修武縣城南爲小丹河或卽蔡溝歟

丹水源出潞安府西南山歷高平澤州繞縣北栲栳山方山

經九峯山出山

水道提綱大丹河經懷慶府北境之方山東又東南出山

流分爲二其東流者曰小丹河東北經修武獲嘉與衛河

合者也其南流曰大丹河至懷慶府城之東北入沁水

漢書

地理志高都縣莞谷丹水所出水經注水出上黨高都縣故城東北阜下俗謂之源源水山海經曰沁水之東有林

焉名曰丹林丹水出焉卽斯水矣逕二石人北而各在一
山角倚相望南爲河內北爲上黨二郡以之分境又東南
出山逕郟城西城在山際俗謂之期城非也府志云相傳
方山下水曲竹木交蔭卽丹林以當沁水東也則經之言
出謂出山非源出於此案山海經其東有林焉名曰丹林
丹林之水出焉上文謁戾之山其上多松柏有金玉沁水
出焉南流注於河則其東有林焉蓋承謁戾之山而水經注
引之曰沁水之東有林焉蓋承謁戾之山而水經注
始則謂沁源在西丹源在其東與山海經本文原無不合
至縣舊志古蹟圖直以丹林在縣內丹水之曲而府志亦
因之蓋誤讀也新唐書地理志
丹水開元十一年更名懷水

出山東南行其一水東出者爲上秦渠次爲小丹河又其次
爲西民渠其一水西出者爲上清渠

上秦渠在諸渠之上直東行至九府墳南分爲二一水東
南行二十四里至太史庄入小丹河爲東民渠上秦渠行
三十三里至八石河止凡此諸渠皆分流灌溉民資其利

小丹河亦曰運河自襍夫房斗門分丹水東南行歷九府墳清化鎮南太史庄金城鎮末庄橋至小中里村南入武陟縣通志云上秦渠小丹河東流入衛濟漕康熙二十九年四月河督王公新命巡撫閻公與邦親勘題定每歲三月一日起至五月十五日止用竹絡裝石橫塞八河渠蓋寨九道堰之八使水歸小丹河入衛濟漕留涓涓之水以溉地

至五月重運過完則開八河渠用竹絡裝石塞小丹河口以防山水漫溢其小丹河經修武獲嘉以達合河鎮之處若有淺阻卽河各官量爲疏濬西民渠首受丹水於九道堰過九府墳東南行二十四里至太史庄與東民渠南北兩岸入於小丹河上清渠首受丹水西行迤南歸康濟渠

入於沁

又東南行出九道堰東西岸醜爲十九渠

丹水自九道堰下東岸出者爲花園渠郭魯渠流潞渠陳
添渠張金渠小太保渠大太保渠老武渠白沽渠張濟渠
三郭渠西民渠董下東西渠西岸出者爲中泗渠永興渠
下清南北渠康濟渠流浚渠凡十九渠自九道堰出引以
溉田歷載久遠碑石無有創興之代不可考見沿俗名稱
爲九道堰云

屈西南行經辛店東

丹水雖分流爲十九渠而經流尙盛屈而西行其西岸爲
辛店鎮東岸爲許良鎮也

水經注丹水又南屈而西轉
九溝水出焉九溝見沁水條

又南行屈而東過二仙廟西花園渠合之

渠受丹水於九道堰與郭魯渠流潞渠同出至聖母廟十里長灘分流花園渠至二仙廟郭魯渠至崔庄流潞渠至閃拐店皆復歸於丹

又東南過陳村東陳添渠合之

渠承九道堰水自龍王廟至陳庄行十九里復歸於丹

又東過北金村東合於沁

水經注丹水又西逕苑鄉城北南屈東轉逕其南東南流注於沁謂之丹口案苑鄉城縣舊志乾隆府志皆云在城北而不著其地亦不言其基址有無蓋莫可徵考久矣

濟水出濟源縣北原村東流至西倪作入縣界

濟水在縣治西南寬平一畝極西入界水道提綱濟濱源

出懷慶府濟源縣西北王屋山頂禹貢所謂沅水也東

十里出地東流經濟源縣城北

水經注水有二源東源出原城東北俗以濟水重源

所發因復謂之濟源城其水南逕其城東故縣之原鄉南

流與西源合西源出原城西東流水注之又東逕原城南

又東南逕絺城北案原城蓋卽水道提綱所謂出地東流

之處今之原村是也絺城縣舊志以爲縣內付遂村是而

府志辨之以爲當在濟源縣境內濟源縣志從之然顧祖

禹讀史方輿紀要亦云付遂城在府城西南三十二里本

名絺城較爲有據也

又東至柏香鎮西分爲二其一經鎮南爲猪龍河又名千倉

渠經寬平二畝寬平三畝崇義鎮西南流入孟縣界其一經

柏香鎮北亦曰順利渠逾廣濟渠東北流經十八里店十三

里店北入城東流過利津橋舉仙橋北流過攬勝橋爲天鰲

池東北流過覃懷書院穿禹王臺間出城經崇下三畝至利

下四箇龍澗村入沁

水道提綱又東分爲二派一經柏香鎮之南東南流入河

一東流經鎮北又東曰豬龍河經府城南境又東經溫縣

北境

案提綱所言與今違異今以經柏香鎮南者爲豬龍河亦各千倉渠爲濟河正流其經柏香鎮北過宋庄

倪作村北東北流貫城入沁者爲支流而提綱所謂經府城南境又東經溫縣北境者爲廣濟渠在宋庄倪作村北濟水逾之以東北流者也提綱未嘗曰驗遂混而合之以爲濟水入河之故讀非矣

水經注水道附

沁水南逕石門世謂之沁口水西有孔山其水南分爲二

水一水南出爲宋溝水

今以水脈尋之當卽廣濟渠也

其水上承沁水於

沁水縣西北自枋口東南流奉溝水右出焉又東南流右

泄爲沙溝水也其水又東南於野王城西枝渠左出焉以

周城漑東逕野王城南又屈逕其城東而北注沁水朱溝

白枝渠東南逕州城南又東逕懷城南又東逕殷城北

洪亮

吉乾隆府廳州縣圖志

朱溝水又東南注於湖

沁水於武德縣南水

殷城在武陟縣東南

積數湖

湖水右納沙溝水分朱溝南派東南逕安昌

城西又東逕隰城北

乾隆府廳州縣圖志隰城在武陟縣西南十五里

又逕殷城

西東南流入於陂陂水又直武德縣南至滎陽縣北東南

流入於河先儒亦咸謂是溝為涉渠故班固闕駟並言涉

水至武德入河蓋涉水枝瀆條分所在布稱亦兼丹水之

目矣

又云濟水故瀆東南合奉溝水水上承朱溝於野王城西

東南逕陽鄉城北

乾隆府廳州縣圖志陽鄉城在河內縣西南

又東南流逕李

城西於城西南爲陂水號曰李陂

乾隆府廳州縣圖志
李陂在溫縣西南

漢書地理志上黨郡沁水楊谷絕水所出南至野王入沁

水經注絕水出沁氏縣西北楊谷東南流逕沁氏縣故城北東南與沁水會東南入高都縣右入丹水而漢志又言丹水東南入沁然則水經注及今所稱之丹水班氏謂之沁水矣

邢水堯池水光溝界溝長明溝白馬溝蔡溝皆見沁水篇注懸谷泉水峪泉課蜜泉靈井貝澗泉沐澗泉臨川泉皆見山志不更詳焉

堤工附

沁河堤府志云南岸隄西自覆背村接界起至西張計村交武陟縣界止長七十里北岸堤西自東窰頭村接界起至張武村交武陟縣界止皆沿河村民修築惟南岸堤內古陽堤六里鑲築埽工遇險則合縣公修官設堡房三座堡夫十名

周城漑東逕野王城南又屈逕其城東而北注沁水朱溝

自枝渠東南逕州城南又東逕懷城南又東逕殷城北亮洪

吉乾隆府廳州縣圖志朱溝水又東南注於湖沁水於武德縣南水

殷城在武陟縣東南積為陂通湖水右納沙溝水分朱溝南派東南逕安昌

城西又東逕隰城北乾隆府廳州縣圖志隰城在武陟縣西南十五里又逕殷城

西東南流入於陂陂水又直武德縣南至滎陽縣北東南

流入於河先儒亦咸謂是溝為滂渠故班固闕駟並言滂

水至武德入河蓋滂水枝續條今所在布稱亦兼丹水之

目矣

又云濟水故瀆東南合奉濟水水上承朱溝於野王城西

東南逕陽鄉城北乾隆府廳州縣圖志陽鄉城在河內縣西南又東南流逕李

城西於城西南爲陂水號曰李陂

乾隆府廳州縣圖志李陂在溫縣西南

漢書地理志上黨郡洹氏楊谷絕水所出南至野王入沁

水經注絕水出洹氏縣西北楊谷東南流逕洹氏縣故城北東南與洹水會東南入高都縣右入丹水而漢志又言丹水東南入洹然則水經注及今所稱之丹水班氏謂之洹水矣

邢水堯泄水尤溝界溝長明溝白馬溝蔡溝皆見沁水篇注懸谷泉水峪泉課蜜泉靈井貝澗泉沐澗泉臨川泉皆見山志不更詳焉

堤工附

沁河堤府志云南岸隄西自覆背村接界起至西張計村交武陟縣界止長七十里北岸堤西自東審頭村接界起至張武村交武陟縣界止皆沿河村民修築惟南岸堤內古陽堤六里鑲築埽工遇險則合縣公修官設堡房三座堡夫十名

看守修填堤頂

何塘重修沁河堤記曰懷慶府城北二里而近有河曰沁河源自山西來乘高趨下怒流

湍悍可畏河之南有隄蓋以防其患也始築年月不可考計其來蓋亦久矣成化年間隄漸陵夸十八年夏秋之交霖雨大作河暴漲决隄毀城摧房垣漂人畜不可勝紀日照陳公時守懷慶徵徒役修築之隄復高厚完善迄今餘三十年矣復漸陵夸比年夏秋之交每霖雨河水暴漲輒至城下城外房屋墻垣多致傾塌居人恒凜凜焉恐復有十八年之患太守郊城周公議欲修築以勞費重大迺請於巡撫都御史李公公曰修隄防以禦水惠政也雖勞費固不得已况親王在此尤有不可緩者其亟圖之迺經畫區處計隄之當修築者西起迺龍廟東過真武廟長凡三百一十丈有奇高約二丈有奇起工於正德十二年正月訖工於是年四月太守公又令沿隄種樹千餘株蓋亦為護隄設也既落成屬某請記成績於石以示久遠竊惟天下之患備於未然則力省而功倍患至而後圖之非惟勞費不貲往往有不及事之悔古人於隄防溝渠之類歲加修葺此故也惟茲隄使十八年以前有人修築則可以免然則其奈何其不然者今太守公及河之末大為患也先築其上游之其為民之德甚厚然亦勞且費矣嗣是而後歲加修葺使茲隄不至陵夸則吾人墊溺之患其永免乎故記其修築始末復係之以此以告後人云

古陽堤府志云城北二里創始無考即沁隄南岸之別名也

沁水西來至此南趨折而東北城北田廬歷患水冲土堤不

足抵禦明萬歷間知府史公東昌輦家貲數千金創築石堤

西起回龍廟

俗名天帥廟

東至張莊長六里民勒石紀功名曰史

公堤今年久石場加鑲埽功防嚙堤根

婁樞重修古陽隄記曰懷慶地名河內以

其在黃河之北沁河之南黃河去郡城稍遠沁河偏近郡城

穿斷北關而北關顧在沁之兩崖沁河來自山西穿太行而

南下在濟源河內之交斜倚東注過郡城東北角陡折而南

前人建國域民正取此一灣形勢風水郡城東北三十里為

丹河出山處播為十八溝以灌田舍於丹達於沁亦在此境

河陡折則水多旁溢羣溝會趨則舊道弗能容夏秋汎漲壅

沁則流決隄崩城恒出於此故老相傳八十年前為成化王

寅古隄不固水入城漂没人畜房屋甚眾太守日照陳公築

隄於水退之後又三十餘年為正德己亥太守鄧城周公重

加修築修撰何先生碑記可考至嘉靖丁巳四十餘年水旋

隄薄決於上流而南下繞於城南關被害又定公書院百楹

止餘一室水退人安其舊守土者恐勞民但塞其罅隙而已

又十三年隆慶庚午夏大旱河內參政內江高公來自吏部
分守河北駐節懷慶躬率父老士民祈禱浹旬驟雨如注者
五日河復決於舊隙公立城上督九衢百姓填塞南門城中
得免於難公曰不一勞者不永逸乃相其高下之宜察其緩
急之處築隄起白迴龍廟下達丹沁會流之股凡幾里幾百
步役夫幾千幾百各人樂趨事時加稍食始於是年秋九月
不兩月而告成府官均任其責而河內尹康侯用賢尤賢於
所事既竣康侯欲紀之於石以示久遠遣使請記於山東愚
聞之先民有言燕雀處空不如鴟鵂之禦雨也禦雨於雨綢
繆何及故曰道天之未陰雨水未至而修隄防者以之孫武
有言善戰者無智名無勇功爲民父母不見有所施爲而功
自告成者以之乃若官爲傳舍肥瘠若秦越有所感於凡事豫
立也畚鍤未動啓啓已作有感於不動聲色而事
有終也豈獨爲紀成績而已乎傳曰作事者法

斜隄府志云乾隆二十六年新築

知府沈公榮昌新築斜堤

已秋七月壬子雷雨山水暴下丹沁並漲是時黃水亦陡長
南賈口不能洩沁入河沁水入古陽隄灌北城又東決尋
村隄二百七十八丈七尺至蒲山清風嶺入黃

欽差戶部左侍郎裴公曰修馳驛履勘奏

上發帑四萬兩借給里民修築分十年帶還於是知府沈榮
昌集河武兩邑士民宣

河內縣志

山川志

七

上恩德分別工程受官急河內借帑二萬三千兩武陟借帑一萬七千兩選公正士耆民經管出入分司工料定議乘冬涸釐築尋村決口大溜復歸南賈口故道次築古陽隄三百四十四丈其後海寺埝卸石隄八十二丈及兩岸殘缺處不可勝計皆補葺之但古陽隄既恐沙根走溜而北岸漲灘逼溜南冲大為淤北之害乃於隄外加築斜隄二百三十七丈俱護以埝上西起馬坡村東止回圃村又於西起處築挑水壩三十丈周圍鑲埝用以禦北岸之水為南岸重門保障其武陟陶村木藥店等十四處殘缺三千三百七十七丈亟須修補石荆村築月隄三百丈大樊村築月隄三百丈均於十月開工議上荷大中丞胡公寶琮躬臨勘示士民踴躍趨工於臘底大段告成自春融至夏復加培寬厚葺事河內丞稽鳳朝晝夜工所實始終之是役也仰荷皇仁矜恤民艱是以人心感動費省而工倍然沁河沙底虛懸見諸奏牘自洪水汎濫水去沙停東北沿隄民地皆為沙磧築隄之土遠購數里外而河身日高培土益費則平時之督率堡夫積蓄土方勸諭村民預貯青稍秫楷為隨時培補修葺之計可不加之意與

丹河堤府志云長六里

小丹河堤府志云自太史莊起至武陟縣交界止長五千四

十五丈各岸各築小堤長與河等

道光三年七月沁河漫溢武陟縣劉村武陟士民王方策等
公呈撫部院請沁水改道由河內東潯村武陟西南保安庄
西頭灘溝入黃董樑劉功垂等又請由懷慶府西二十餘里
入黃云故道尙存通考沁水經流見於漢書地理志詳於水
經注數千年來從無異道而王方策等忽議改流殊爲創獲
蒙大中丞程公方伯楊公屬護理河北觀察王公署懷慶太
守李公黃沁司馬鄭公督同武陟令王君及通躬親履勘繪
圖牘報撫部及方伯均蒙允准改道之議遂寢其牘曰據該
紳民
劉功垂等所稱沁河舊由府西二十餘里入黃之處按廣輿
記沁水在府城北又按水經注沁水出上黨沮縣謁戾山南
過穀遠猗氏陽阿等縣出山過沁水縣北至野王縣又東與
丹水合又按懷慶府志沁水自濟源縣西北地名大坡接山

西陽城縣界入郡境東經河內武陟達於黃河計長一百九
十里此現在東流大河之來源也又按濟源縣志沁河源出
山西沁源縣銅鑼山由澤州至縣東北三十里出山名枋口
隋大業時引水爲渠灌漑民田始曰利民渠元中統間復開
渠修堰名曰永利河至明嘉靖間復於五龍口開利豐渠又
分爲利仁豐稔二渠萬歷間河內令袁應泰鑿山開洞自枋口引沁
水由濟源縣界入河內經溫武二縣由唐郭村入黃河廣入
丈長一百五十里分二十四堰使水各有時刻此由枋口以
下鑿山開洞引沁水經南岸灌漑民田之來源也大河東下
每逢盛漲衝決堤岸歷代爲患而五龍口三洞之水建閘開
放使水有時分支別堰逕趨東南灌漑民田俱成利地五縣
民人賴以無旱潦之虞者千餘載該紳民呈稱府西二十里
入黃之處查自府城西去二十里各覆倍村爲河內所轄再
西爲曲家卽濟源縣界其間並無往年決口形迹詢之耆民
搜尋舊卷亦無何年該處決口之案附近村庄稠密廬墓連
綿由濟源河內交界經溫縣而至武陟境內一百餘里其永
利渠專利於濟源利仁豐稔等渠爲利於河孟溫武者甚溥
而廣濟河東達黃河尤爲四邑之利今據紳民所呈沁河改
出彼處行走其意似以沁河南岸河渠接連且廣濟河由濟
源而至武陟所轄之董宋村入黃數百年來毫無阻滯水性
趨東渠道深濬可以因勢利導使入黃河不知覆倍曲家之

間南至孟縣城六十餘里自孟縣城至黃河十八里黃河灘
勢淤高舊有小金堤所以禦黃今已閉則河灘高勝於
黃更可概見此逕南之不能改道也若東南由溫縣境內改
道查溫縣志有清風嶺一道東西綿亘四十五里直至該縣
東境平皋村與武陟董宋村接壤南高於北水勢亦不能踰
嶺而赴黃河此東南之不能改道也且廣濟等渠利水由西
而東若任沁水南行則直衝而過不特現無出路即使可行
而將渠水穿破使勿東趨是使數邑民田萬年之利一朝而
廢民情地利均屬格礙難行若云就廣濟河之勢逕往東趨
似為順利又不知廣濟河自濟境而東由郡城之南橫亘而
過去城僅三里有餘再東至龍澗尚香鎮馮村等處曲折入
武陟縣界保安庄南至董宋村入黃寬僅五尺深僅二尺涓
涓細流居民賴以灌田於渠邊培土為幫壅之使高於地者
一二尺不等以便因時放水入田水足仍將缺口補完不過
一夫一畝之力而坐致厚利令若將沁水引入譬以須彌納
諸芥子以大河寬處至四五里窄處亦一二里當盛漲之時
拍岸平堤尚復時虞崩決一經引入如不築堤岸則漫溢所
至膏腴之產悉化沙礫之場兼之逼近郡城四散橫流為害
既烈如築堤以束使其東趨無論地勢綿長經費之鉅無款
且計其大溜所至洪流須佔民田數十丈再留讓其漫
溢之地即以現在大河最窄之處一里而計數十里中應佔
民田何止數百頃該處利地每畝價值五六十兩又何能按

照給值至減則豁糧允非民願此又東行之不能改道也該紳民等不悉情形自陳臆說應無庸議至王方策等請將沁丹兩水由河邑尋村經武邑保安庄西頭澗溝入黃之處查尋村正南稍東至崔范庄十五里崔范庄稍東至董宋村八里計長二十三里尋村於乾隆年間疊經決口最後爲乾隆五十八年其決口之處近堤二里之內尚有沙壓形迹躬親履勘遍詢兩邑耆民據稱乾隆五十八年河決尋村由口門南趨二三里卽折而向東由河內縣界之武德鎮花園頭西張計入武陟縣界郭庄東張計等處經大司馬王祿高庄直趨見口州亭而出其所以不向南行者緣河內境之鞏庄武陟境之二仙廟已逼近清風嶺地勢南高不能漫過逐加詳驗該處南面地勢稍高武德鎮迤東頗形低窪舊河經過之處形迹宛然尙在其所請由武陟保安庄西頭澗溝入黃之意亦緣廣濟河由尙香西來經北崔范庄二仙廟北孟遷南孟遷東至保安南折至董宋村趙庄之間入黃復有濟水自河內境之龍澗入沁其下游有撤水滂河一道東趨由河內境馮蘭鞏庄至武陟境二仙廟等處歸入廣濟河其廣濟河自保安以南復有河清兩道夾河而南亦至董宋村南過黃河沙灘而止是以該紳民等以此兩河均可入黃則沁歸黃似有建瓴之易卑職等詳爲查看廣濟河都南狹既不能容受兩河之水如逼使南趨則清風嶺高於北面當年疊次决口從未有至二仙廟誠如撫憲小從前乾隆年間三

夫漫口何以當時不就便疏改以詢紳民均亦無詞可答此
時黃河日就墊高卽董朱村南廣濟河入黃口門連年黃水
盛漲便行倒灌村前灘地可驗查武陟沁水原舊入黃之處
寬狹不下數里尙復不能宣洩何能於岡嶺之間欲收建甌
之效倘以武德鎮花園頭河形可循則放水後仍須趨大司
馬循武陟縣城西南而至方林草亭下游仍無出路卑職等
疆址雖分畛畦無別如有一勞永逸之計有益民生敢不仰
體病癢在抱愛護災黎之意曲爲設法惟是脛續鶴固非人
情所甘而削趾適屢亦非兩全之道合將遵札詳勘格礙難
行之處據實具詳並將尋村一帶情形繪圖呈覽是否當
伏候
施行

風土志

河內縣志卷第十

凡民之生因其水土而成其性故有剛柔緩急之不同飲食衣服之異宜事爲之異制然而今昔異變剛者或化而爲柔文者或反而爲質蓋消息陰陽之理亦有時而變易也又況政教敷於上民氣感乎下移風易俗因勢利導之哉略舉故俗而物土之宜野有黍稷室有詩書丹沁不怒五行蘊奇風俗之美亦異乎古所云矣有善導者而齊之使日遷焉不可誣也并書物產以備風土志

風俗

史記貨殖傳曰野王好氣任俠衛之風也

漢書地理志曰野王好氣任俠有濮上風

隋書地理志曰得殷之故壤考之舊說有紂之餘教

宋史地理志曰人性質厚少文多專經術大率氣勇尙義號爲強枝

婁樞曰魏風葛屨汾沮洳言地狹隘民儉嗇而褊急也河內之野人似之伐檀園有桃性狷介心多憂思也河內之君子似之

明一統志曰好性理崇禮義興淳儉之化息崇侈之習人淳事簡

舊志曰民多敦本好學力耕桑而鄙販鬻尙清談而多壽考物產

周官職方氏河內曰冀州其利松柏其民五男三女其畜宜

牛羊其穀宜黍稷

蔬之屬曰薯蕷

一名諸薯
河內為良

曰薑

果之屬曰李曰桃曰柿

花之屬曰牡丹

太平御覽引范子計然
曰河內赤色者亦善

木之屬曰槐曰桑曰梓曰榆曰柳曰白楊曰檮曰栲

毛詩疏
曰栲今

柞殼為斗可以染阜今俗及

曰竹曰葭葦

北齊書信都芳
傳曰祖珽謂芳

河內云將斗或云椽斗
曰律管吹灰術甚微妙絕來既久吾思所不至芳留意數十
日便云吾得之矣然終須河內葭灰後得河內葭葦灰用其

術應節便飛餘灰即不動也楊泉物

理疏曰河內葭葦為灰可以調氣

藥之屬曰地黃

河內者
黃八年
有光平上車弩也

曰山藥

河

最曰防風曰紫苑曰車前子曰百合曰天門冬

抱朴子或名
地門冬或名

管松其生高地根短而味甘氣香者善其生水側下地者葉
細似蘊而微黃根長而味多苦氣臭者下亦可服食令人下

氣爲益又遲也服之百日皆丁壯又

曰知母曰皂角曰牛膝

云杜微子服天門冬日行三百里

本草經曰牛膝一名百結味苦辛生川谷治傷寒濕痿痺四

支拘攣膝痛不可屈伸久服輕身能却老出河內陶隱居云

莖長有節似牛膝故名曰經云有二種

曰補骨脂曰葫蘆巴

莖節紫而大者爲雄青而小者爲雌

曰萆薢曰芎藭曰魚肝曰朱膠

太平寰宇記

曰硫黃

貨之屬曰布曰絹

山清化鎮者曰清化絹

曰煤曰青瓷曰礬紅

漢書地理志懷有工官後漢書樊儵傳曰野王歲獻甘醪膏

飴每輒擾人更以爲利儵欲奏罷之疾病未及得上帝使小

黃門張音問所遺言音歸具以聞帝悲歎令從之新唐書地

理志懷州河內郡土貢平紗平紬枳殼茶牛膝宋太平寰宇

記絕入貢元豐九域土貢牛膝五十觔金章宗本紀懷

州有橙結實官吏檢視嘗擾民今復進相得無重擾民乎

其誠所司遇有則進無

〔舊志明河內貢生地黃五十觔〕

熟地黃五十觔胡蘆巴五觔

國朝河內貢竹康熙年裁免今惟貢布

論曰夫物土之宜而布其利凡土地所生其材足以供六府三事之用者而後貢也甘醪膏飴非法之物而亦獻之何也大抵初出於芹曝之忱而後因以爲利是有司失其職矣至於柑橙之類物之微者章宗旣知其擾何不遂罷之乃曰無則已邪葭灰足以驗氣藥物足以治疾布帛足以利用是則不可闕者耳

國朝一無所貢惟布亦官爲買取非小民之所供也疏黃其用最大賦本開採不專領于知縣蓋知縣有刑名錢穀之責

而黃殿必用彈壓不能舍本而治末故以本府經歷言之便
于事也

祥異志

河內縣志卷第十一

記祥異本史例也至於察驗民氣考其徵應最爾一邑何足以感天變哉然而古者三年耕必有一年之食九年耕必有三年之食所以水旱有備而札瘥天傷足卹也輒條漢以來迄于今止知水旱之稠疊則備之不可以不豫焉

漢書汲黯傳曰河內失火延燒千餘家

後漢書曹褒傳曰和帝永元七年春夏河內大旱本紀曰八年五月河內蝗桓帝本紀曰延熹七年野王山上有死龍續五行志云六月壬子河內野王山上有龍死長可數十丈靈帝本紀曰建寧三年春正月河內人婦食夫

三國魏任昉述異記曰魏世河內雨棗

晉書五行志曰武帝泰始六年六月大雨霖甲辰河洛伊沁水同時並溢流四千九百餘家殺二百餘人沒秋稼千三百六十餘頃七年六月大雨霖河洛伊沁皆溢殺二百餘人太康元年河內雨雹傷麥豆二年五月河內雨雹傷禾稼

魏書靈徵志曰太祖天興四年春河內郡木連理二五月河內郡獻白雉太宗泰常三年八月河內大水五年二月白雉見於河內郡高宗和平三年四月河內人張超於壞樓所城北故佛圖處獲玉印以獻印方二寸其文曰富樂日昌永保無疆福祿日臻長享萬年玉色光潤模制精巧百寮咸曰神明所授非人爲也詔天下大酺三日高祖太和二年十二月懷州獻白黿十四年六月懷州獻三足烏世宗景明三年八

月河內郡獻白兔四年六月河內郡獻白兔正始元年八月
司州上言河內民席眾家雞雛近尾上復有一頭口目其二
頭皆從頸後各有二翼二足旁行二年九月河內郡獻黑兔
四年四月河內郡獻白兔永平元年五月河內獻黑兔二年
四月河內獻蒼烏獻白雉延昌四年九月河內又獻白兔前
廢帝普泰元年五年河內獻蒼烏
北齊書顯祖本紀曰天保八年自夏至九月河北蝗後主天
統五年河北無雨

附書五行志曰高祖開皇八年八月河北飢仁壽二年河北
大水

新唐書五行志曰太宗貞觀十六年正月懷州河清二十二

年八月河北大水高宗永徽五年六月河北大水顯慶五年
春河北旱儀鳳二年夏河北旱永隆元年九月河北大水溺
死者甚衆二年八月河北大水永淳二年河北旱中宗神龍
元年六月河北大水三年五月河北旱飢景龍元年河北疫
死者千數武后聖歷二年秋水溢懷州漂千餘家元宗開元
三年河北水七月河北蝗十二年七月河北旱十四年秋大
水河北尤甚河及支川皆溢懷衛鄭滑汴濮人或巢或舟以
居死者千計十五年大水害稼及民人廬舍河北尤甚牛大
疫十六年河北飢二十九年河北大水害稼德宗貞元元年
河北飢米斗千錢死者相枕十三年十月懷州鸛鵲巢內有
黃雀往來哺食憲宗元和十二年河北大水穆宗長慶中河

北用兵夜輒自鳴翰林院鈴與軍中息耗相應聲急則軍事急聲

緩則軍事緩文宗太和四年河北饑九年河北飢尤甚開成三年河北饑草木葉皆盡懿宗咸通十一年夏雉集河內縣署

舊五代史曰唐明宗天成二年五月懷州進白鵲周太祖廣順二年旬日無鳥是年人瘟疫

宋史五行志曰太祖建隆四年七月懷州蝗又曰懷州旱仁宗明道二年河北蝗慶歷三年河北雨赤雪六年懷州禾異畝同穎神宗元豐二年懷州禾合穗七年八月懷州沁河泛溢大雨水捐稼壞廬舍城壁哲宗元祐二年懷州禾異畝同穎六年懷州禾合穗

金史五行志曰熙宗皇統五年閏月壬辰懷州進嘉禾章宗
明昌元年正月懷州進芝草嘉禾

元史五行志曰世祖至元三年六月懷慶蝗七月丹沁二河
泛漲與城西御河通流平地深二丈餘漂沒人民房舍田禾
甚衆民皆棲于樹木郡守僧家奴以舟載飯食之移老弱居
城頭日給糧餉月餘水方退七年五月河內縣大雨雹八年
懷孟路蝗九年九月懷孟路淫雨河水並溢圯田廬害稼十
七年八月懷孟路水本紀曰懷孟旱五行志曰二十年六月
懷孟路沁水涌溢壞民田本紀曰二十二年五月懷孟旱二
十四年九月懷孟路風雹害稼二十六年七月懷孟蝗五行
志曰二十七年八月沁水溢二十九年六月懷孟路饑成宗

元貞二年八月懷孟雨雹旱本紀曰大德五年六月懷孟蝗
五行志曰七年沁河溢武宗至大二年八月懷孟郡蝗本紀
曰三年八月懷孟路蝗五行志曰仁宗延祐二年正月懷孟
饑泰定帝泰定三年八月懷慶郡蝗十二月饑本紀曰四年
八月懷慶路蝗十二月旱致和元年四月懷慶饑五行志曰
文宗天歷二年四月懷慶蝗饑三年正月懷慶路饑二月河
內縣火本紀曰至順元年正月懷慶路饑五行志曰七月河
內蝗本紀曰順帝至元三年六月大霖雨沁河水溢没人畜
廬舍七月懷慶水五行志曰至正七年懷慶旱饑十一年四
月河內地震聲如雷震圯房屋壓死者甚衆十三年十二月
河內縣天鼓鳴十四年河內縣大旱十九年懷慶蝗食禾稼

草木俱盡所至蔽日礙人馬不能行填坑塹皆盈饑民捕蝗爲食或曝乾而積之又罄則人相食二十三年七月河內淫雨害稼二十四年三月河內水

明史五行志曰太祖洪武七年六月蝗英宗正統六年秋蝗七年五月蝗九年九月山水灌衛河沒懷慶民舍懷衛所城憲宗成化九年六月大水舊志曰十八年七月霖雨大作沁河暴漲決堤毀郡城摧房垣漂人畜不可勝紀二十年大饑孝宗宏治六年正月有大星隕光芒燭地冬雪深丈餘十一年斗米十錢五行志曰世宗嘉靖四年地震聲如雷舊志曰七年大饑八年蝗蝻生九年產瑞麥瑞瓜嘉禾十六年沁河泛溢十八年蝗蝻生三十三年大疫七月產嘉穀三十四年

十二月地震三十五年六月沁河溢五行志曰四十二年三月癸卯隕石舊志曰穆宗隆慶三年大水神宗萬歷八年蝗十四年秋霖四十餘日沁水嚙堤十五年三月地震屋宇動搖大旱十六年大饑大疫死者枕籍人相食二十四年大旱蝗蝻生四月雹大如雞卵傷禾及人四十年雹四十一年沁河泛溢四十四年蝗蝻生四十六年夏甘露降熹宗天啟六年雨雹大風揭瓦拔木莊烈帝崇禎元年雨雹傷禾六年雨雹傷禾九年雨雹傷禾十一年旱六月蝗十二年旱沁水竭飛蝗蔽天緣堞入城嚙筭水盡結塊渡河去是歲饑十三年自去年七月至是年八月始雨五穀種不入土大饑斗粟二千錢人相食十四年蝗蝻生瘟疫大作亂屍橫野地荒過半

十七年元日日無光二月三日並見雨土如霰晝晦

皇朝順治二年旱麥盡稿七年沁河溢九年秋霖連旬沁水
囓堤十一年霖雨大水傷禾十四年東門城樓火龍見十五
年雨雹

康熙六年雨雹六月二十六日蝗自西南來望東北去七年
六月地震十八年七月地震淫雨彌月禾稼多死二十二年
十月地震二十三年旱大饑二十七年春旱二月無雨冬無
雪二十八年春無雨二十九年春夏大旱沁水竭三十年大
旱沁水竭六月蝗三十一年旱大瘟疫三十二年夏大雨連
旬西堤潰居民介於丹沁之交者被水漂蕩三十四年四月
六日地震有聲如雷東西城門樓皆傾

上舊志

六十一年蝗旋

撲滅

雍正七年縣民梁生旺妻張氏一產三男

上省志

乾隆二十六年七月大霖雨丹沁水發決古陽堤貫城城內水深四五尺四日乃退漂房舍十五六萬間溺人四千犬馬羊豕無算清化鎮漂房舍二千餘間四十三年小旱四十五年沁河水溢五十七年旱五十八年沁河水溢五十八年王彩霞五世同堂五十九年沁丹二水又溢

嘉慶三年監生馮栻五世同堂十八年九月三日地震數次二十年九月十八日地震累日始息

道光三年趙德明妻唐氏一產三男四年四月麥秀兩岐

大興方履錢瑞麥頌曰維道光四年龍角耀彩鴈耒修軼河

洛膏衍澤賜罔訐周表千里粃稌豐熾三葉旣墮百日待鋪
稚鋪耆銚雲刈風緯迺於野王之壤覩兩岐之穎五出之穗
石民羣迪載懼載訝敬之以首攜之以絺迨然歸美於其長
河內邑宰袁君蘭村君以奕世名德雋逸涵雅蒞於從政有
阿鄭之化迅於疏闊達樊蕙之渠視事匝歲訟平人愉爰致
斯美君竦抑而弗敢膺也且曰今

天子運神鈞布德象稟印太和誘納淳化賓連平露之華繁
於圖文騶音黃之足擾於原而震北庶隸體

聖沖虛狎視爲恒弗遑薦瑞

宸衷瞻思惟勤隴稼精擇賢帥惠牧烝元故太儀篤祐降頤
嘉禾以佐

帝仁飢民大澤子小臣曷敢以壅卑不上宣乃盛以繡笥屬
其友方履錢作啟一章陳之長吏請聞於

朝謹攷孝經援神契曰王者德下至地則嘉禾生瑞應圖曰
瑞麥者五穀之長盛德之精也生豫州中和之士以彰

湛恩漸被之隆軼古震今符於圖牒昭鑠如此昔鄭康成爲
獻嘉禾者代作表狀又著頌一篇履錢雖無北海之宏文喜
見魚陽之休應竊願祖述醇儒擬爲賦頌焉其辭曰

聖皇承翼提挈陰陽時霖甘露延美大光靡騰不祛靡秀不
揚

凝旒兢業晷隙無忘銑瑤盈谷

帝曰非珍寢興勞佇實惟良臣虬鸞應錄

帝命勿陳寤言永懷適在糧賴蹇蹇碩輔朱軒駟馬周谷鱗
隰底衛之野農舞夾穀迓于桑社我有神君惠以天嘏鵲旦
朝雝穎英含滋芬馨橫逸精曜紛披卽逾一鐘廩蓄萬粢覲
厥異質合餘分岐纍纍綻珠離離垂綬北里遜英東土辭茂
禋祥斯孕滲漉所覆

將登

毀宇可歆邊豆良苗之植天祚

帝德

帝德如天承在百辟斷斷牧宰化理攸責牖民孔易如膚依
脈繫此河內舊稱沃區克享豐稔循政早敷禎采下荅選蔭
一隅寵秩優加炳煥彰符守榮以虛保樂惟儉古重蓋藏思

均盈歉勿以歲成遂令穀賤儒吏勸警逸風斯變邠哉
盛代徵卉懷仁矧予列士餐挹清淳讚述明良纂組小文規
頌相成敢告倉人

田賦志

河內縣志卷第十一

縣南面三十里西面三十五里東面北面各六十里居民七萬四千餘戶田萬一千頃有奇其並渠依井者爲水田水田一之三遠渠無井者爲旱田旱田十之七大率歲二熟今年九月種麥明年四月收五月種黍稷高粱八月畢收土地膏腴不待勤力而獲豐收矣又有地黃山藥百種之饒利益滋甚隴畝之間殆半禾黍故千金之家比屋可數善封殖者家累鉅萬不止十數而已曰都其富哉余嘗周行縣內村落大者數百家小者亦不減百家畸零餘戶亦數十家屋下之田黍稷芄芃實堅實好遊牲畜牧蹠跡交錯雞狗之聲遐邇相續家有百畝計歲所入百指之需足以有餘然水田少而旱

田多仰天澤以爲豐歉十日不雨則憂其旱暵而霽雨三日山水暴漲則又以爲潦且逼沁河異時堤防不愼夏秋之交汎濫衝決濱河之田盡爲沙壓雖有善佃不能措手以故民嘗喘恐而無遠慮蓋藏絕少而水旱無儲小不稔輒待賑發自乾隆四十三年以來蠲貸賑恤幾于無歲不有亦形勢然也余不佞承乏兩年日夜念此無可爲計將謹堤防穿溝瀆恤南畝勸播種貴本而賤末修困倉籌水旱之備願與邑士大夫共商之而未敢謂必得其所也

戶口道光三年報部民戶七萬四千一百四口四十二萬二

千七十一

大口二十八萬三千八百四
小口一十三萬八千二百六十七

原額二萬七千

八百一十丁舊逃亡人丁二千三百九丁新增壯丁一千六

百七十一丁自順治十六年起至康熙二十九年止陸續編
審增出壯丁五千六百六十六丁又節次編審至康熙五十
年編審上上則一十六丁上中則二十一丁上下則二十八
丁中上則六十九丁中中則二百四十二丁中下則六百八
十丁下上則二千九百九十丁下中則六千四百一十丁下
亦則二萬二千九百五丁實在三萬三千三百六十二丁五
十一年奉

恩詔但據五十年丁冊定爲常額續生人丁永不加賦自五
十五年

至乾隆二十八年十次編審開除頂補常額外

盛世滋生五千九百四十丁三十一年三十六年兩次編審
開除頂補常額外

盛世滋生七千五百二丁又收併懷慶衛丁原額七百五十九丁節次編審至康熙五十年編審上上則七丁上中則一十五丁上下則一十五丁中上則二十四丁中中則一百三十六丁中下則四十二丁下上則一十一丁下中則六丁下下則五百一十八丁實在七千七十四丁定爲常額自五十年至乾隆二十六年十次編審常額外

盛世滋生一百二十九丁二十一年三十六年兩次編審常額外

盛世滋生一百八十三丁通計民衛徵賦額丁三萬四千一百三十七丁常額外永不加賦通計

盛世滋生七千六百八十五丁乾隆三十六年停止編審五

十二年戶七萬四十九口四十萬一千五百七十三今縣冊
舊管牌民七萬四千九十一戶男婦大小四十二萬二千二
十口新收牌民二百七十六戶大小一千一百八十一口開
除戶二百六十三大小口一千一百三十一

我國家二百年以來民賦歸于地畝又無簽點徭役之煩

休養生息俾各遂其性於是知有生生之樂而遷徙往來流
移無禁於是民得自安於便利故含哺鼓腹之民奚啻數倍
於前而食息晏安沐日浴月安可不知所自哉

丁賦依原額人丁二萬七千八百一丁案三等九則起科上
土則每丁一兩二錢中則每丁一兩上下則每丁八錢中

上則每丁六錢中則每丁五錢中下則每丁四錢下上則
每丁二錢下中則每丁一錢下下則每丁五分額銀二千五
百八十一兩三錢五分又溢額五千五百五十三丁銀三百
六兩九錢收併懷慶衛丁賦依原額七百五十九丁起科上
上則每丁一兩二錢上中則每丁一兩一錢上下則每丁一
兩中上則每丁九錢中中則每丁七錢八分中下則每丁六
錢三分下上則每丁四錢八分下中則每丁三錢三分下下
則每丁二錢額銀三百二兩五分溢額一十五丁銀二兩八
錢五分通計民衛實徵丁銀三千一百八十七兩一錢五分
雍正四年均入地糧內無論民衛紳衿富戶不分等則一列
輸將隨糧徵解

班匠原額銀一百八十五兩四錢均入地糧內徵解

田賦河內縣田地以二百四十步爲畝民田縣內原額上中下極下四等地一萬一千三百六十九頃九十六畝六分五釐九毫三絲四忽一纖內除學田免地八頃三十八畝二分八釐實在原額田地一萬一千三百六十一頃五十八畝三分七釐九毫三絲四忽一纖額銀連閏統計八萬六千六兩六錢一分三釐二毫二絲四忽四微八纖九塵內順治二年六月巡按甯奏請免荒徵熟共除四等荒地一千一百二十二頃二十八畝四分八釐七毫九絲五忽乾隆七年五月巡撫雅奏請豁除河場沙壓民田共地一十三頃八十三畝三分九釐二十九年十一月巡撫阿奏請豁除沙壓水沖石蓋

堤佔河佔民田共地一十二頃三十九畝四釐六毫七絲六忽嘉慶四年正月巡撫倭奏請乾隆五十九年武德鎮等村被水沙壓水沖石葢民田四十一頃三十九畝七分四釐三毫七絲統計豁除四等荒地二百九十六頃一十七畝五分七釐六毫九絲一忽銀二千一百七十三兩一分七釐九毫四絲三忽二微二沙八塵一埃

今現種行糧成熟上等地一千七百五十八頃五十四畝五

分五釐八毫六絲九忽三微六纖畝科銀一錢一分四毫二

絲八忽四沙四塵八埃科米一升一合六勺六秒四撮九圭

九粟四粒四顆

內有寄庄上地百五十一頃三十四畝三分七釐三毫比照民田則列起科每畝外加銀

四釐六絲

中等地四千八十一頃五畝九分一釐四毫八絲二忽

八微九纖畝科銀八分二釐七毫六絲五忽七微四纖八沙

四塵八埃科米八合七勺四秒二撮八圭一粟四粒四顆內有

寄庄中地百五十五頃八十一畝二分四釐一毫比照民田則例起科每畝外加銀三釐下等地四千五

百八十七頃七十五畝八分四釐三毫九絲八忽六微七纖

畝科銀五分二毫一絲六忽三微一纖四沙四塵科米五合

三勺四撮六圭七粒內有寄庄下地百七十三頃七十七畝六分一釐九毫比照民田則例起科每

畝外加銀一釐七毫五絲七忽極下等地六百三十八頃四畝四分八釐四

毫九絲二忽九纖畝科銀一分九釐二絲三微八纖二沙二

塵四渺八溟科米二合一秒一撮三圭二粟九粒五顆內有寄庄

極下地二十七頃三十二畝一分四釐比照民田則例起科每畝外加銀五毫八絲八忽統計四等地一

萬一千六十五頃四十畝八分二毫四絲三忽一纖

順治十六年收併懷慶衛原額三等地二百七十四頃二十九畝八釐六毫六絲又自首額外地三頃六十三畝又勸墾額外極下地四頃三十畝七分計中等地七頃九十三畝八分四釐五毫畝科銀連閏八分九釐七毫五絲六忽三微下等地二十六頃六畝四分五釐七毫畝科銀連閏五分四釐四毫六絲一忽一微極下等地二百四十八頃二畝四分八釐四毫六絲畝科銀連閏二分一釐一絲四忽三微五纖康熙八年新收更名地五頃三十三畝四分二釐九毫九絲比照民田下地起科畝科銀連閏五分四釐四毫六絲十六年自首額外臨河退灘地七頃又續報自首臨河退灘地六頃八十五畝六分五釐比照民田極下地起科畝科銀連閏

二分六毫二絲九忽四微四纖五沙八塵四渺八漠

乾隆四年新收直隸大名府東明縣懷慶衛屯六十畝畝科

銀二分一釐一毫三絲八忽六微四纖六沙內除民地內公

田徵四免六銀一十四兩八錢三分二釐統計民衛更名寄

庄寄糧人丁班匠並補微雜辦連閏月銀實徵銀八萬四千

六百五十六兩三錢九分九釐六毫四絲九忽九微九纖五

沙八塵五埃一渺六漠七虛三澄八淨實徵米八千一百八

十石二斗九升四合九秒五撮此項漕米原徵折色故丁地

八釐連閏加銀一釐七毫六絲中地每畝八分八釐四毫四

絲遇閏加銀一釐三毫二絲下地每畝五分三釐六毫六絲

過閏加銀八毫極下地每畝二分三毫四絲五忽遇閏加銀

二毫八絲三忽三微六纖原額徵銀當得八萬九千九百七

十四兩二錢八分八毫一絲九纖五沙八塵五埃一渺六漠

七虛三澄八淨今米仍舊本色起解則四等地利銀實如今

數

添辦本色漕豆二千九百一十五石四斗二升五合三勺

亦在地丁正賦內扣除每石價銀八錢共銀二千三百三十

二兩三錢四分二釐三絲二忽現在實徵丁地銀八萬二千

三百二十四兩一錢一釐有奇

案前明懷慶每畝徵糧一斗少亦徵八升五合故民門重

困今則上地畝徵銀一錢一分有奇徵米一升一合有奇等而計之不及明賦十之三矣

起運解司折色銀五萬九千八百八兩五錢四分五釐二絲

七忽二微三纖八沙三塵五埃一渺六漠七虛三澄八淨

藥味顏料布疋銀三百四兩一錢七分五釐二毫七絲六忽

內禮部本色起運生熟地黃九十六觔六兩八錢九分四釐每觔價銀三錢四分五釐計銀二十三兩二錢六分八釐六毫五絲一忽八微七纖五沙乾山藥二十八觔十四兩八錢九分五釐每觔價銀六分五釐計銀一兩八錢八分五毫一絲九微三纖七沙五塵牛膝七十七觔二兩三錢八分八釐每觔價銀一錢一分計銀八兩四錢八分六釐四毫一絲七

忽五微王部本色起運牛角七副七分一釐四毫九絲二忽
四微價銀三十兩八錢五分九釐六毫九忽改折布百
一十九疋一十五尺每疋價銀一兩計銀一百一十九兩六錢
二分五釐右二款乾隆二十二年部酌歸簡易統歸丁地
解貯司庫又康熙三十年奉文仍本色布四百七十八疋
一十二尺依原估時值每疋價銀九錢三分共該銀四百四
十五兩五釐康熙二十四年奉人每疋議定價銀三錢又於
乾隆三年部覆准每八增添價銀三錢五分共價銀六錢五
分統計該銀三百一十兩二分五釐每疋鋪墊銀五分計鋪
墊銀二十三兩九錢二分五釐依原額價該扣餘剩並
銀一百一十兩五分
五釐仍解司庫

裁歸各款銀八百六十四兩五錢九分八釐五毫五忽

順治

年裁本府閏月俸八兩四錢二分二釐四毫五絲本縣閏月
俸三兩六錢九釐六毫二絲本縣縣丞閏月俸三兩二錢八
釐五毫一絲本縣典史閏月俸二兩五錢二分八釐三毫六
絲清化鎮稅課大使閏月俸二兩五錢二分八釐三毫六絲
本縣教諭閏月俸二兩五錢二分八釐三毫六絲康熙四五
等年裁驛鹽道轎夫四名工食二十三兩八分四毫四絲皂
隸二名工食一十一兩五錢四分二毫七絲本縣訓導俸三
兩三錢一分二釐三毫六絲喂馬草料十一兩五錢四分

田賦志

七

三毫七絲齋夫三名工食三十四兩六錢二分六毫九絲五忽門斗二名工食一十三兩八錢四分八釐二毫八絲康熙九年裁各院按臨閱操併獎賞節孝花紅八兩八錢一分四釐七毫十四等年裁修理

龍亭銀八錢八分一釐五毫撫院心紅紙張二季銀九十五兩一錢九分九釐分守河北道鋪六二名工食一十一兩五錢四分二毫七絲本府心紅紙張油燭銀四十四兩七分三釐六毫本縣心紅紙張一十七兩六錢二分九釐四毫修理監倉一十七兩六錢二分九釐四毫本府季考府縣兩學師生花紅八兩八錢一分四釐七毫提學道考賞府學師生花紅五兩七錢二分九釐六毫本縣季考縣學生員花紅八兩八錢一分四釐七毫提學道迎送兩學新進生員花紅三兩九錢六分六釐六毫府縣考試童生菓餅四兩四錢七釐四毫修理城垣二十二兩三分六釐八毫各上司榜文告示書格等項四兩四錢七釐四毫考試棚場四十四兩七分三釐六毫提學道考賞縣學師生花紅一十三兩二錢二分二釐六毫縣考試應試生員菓餅卷價五兩八錢七分九釐四毫府縣考試生員折席卷價一十二兩一錢五釐二毫提學道考取府縣遺才生員盤費五兩二錢八分八釐九毫府縣應試生員盤費六十三兩三錢八分九釐七毫康熙十五年裁會試舉人車價七十九兩八錢六分一釐四毫武舉路費九兩一錢八釐五毫如遇會試之年照名均派就近在本縣丁地

銀內支給舉人牌坊銀四十七兩八錢九分九釐二毫解貯
司庫其舉人牌坊每名二十兩在司庫支給科場公用三寸
四兩六分如遇鄉試之年在司庫地丁銀內支給康熙二十
六年停給歲貢欵項本府歲貢聲費一十兩五錢七分七釐
七毫府縣迎送貢生花紅酒席旗牌四兩四錢七釐四毫府
縣考貢生員盤費四兩五錢四釐八毫本縣歲貢盤費一十
七兩六錢二分九釐四毫康熙三十二年裁本府取用進表
什物銀一兩七錢六分二釐九毫康熙四十五年裁進士牌
坊銀一十七兩九錢五分三毫解司充餉其進士牌坊每名
三十兩在京支給雍正七年裁本府燈夫三名工食一十七
兩三錢一分三毫五絲本縣燈夫四名工食二十三兩八分
四毫四絲乾隆二十九年裁本府免課大使俸二十七兩
七錢八分四釐皂隸二名工食一十一兩五錢四分二毫七絲
兵二名工食一十二兩

民壯工食餘

剩銀四十八兩五錢五釐八毫四絲 河夫原額剩銀八

兩四錢

於順治十二年裁充兵餉

新裁驛站走遞吹手一十二名工食

銀六十九兩二錢四分一釐三毫九絲走遞青夫五十名工

食銀三百四十六兩二錢七釐七絲萬善驛走遞青夫三十

名工食銀二百七兩七錢二分四釐二毫四絲驛站撥協改
解銀五千二百一十八兩八錢一分六釐統計連閏解司銀
六萬六千八百七十六兩二錢一分三釐三毫四絲八忽二
微三纖八沙三塵五埃一渺六漠七虛三澄八淨 鄉飲銀
六兩一錢七分三毫六連閏實解司銀六萬六千九百九十
六兩三錢九分五釐 鄉飲銀六兩一錢七分三毫計除前
項細數
尚羨解銀一百二十兩一錢八分五
釐下知何年裁缺縣無枵冊可稽

如不遇閏月實徵丁地銀八萬一千八十三兩八錢九分
九釐解司銀六萬六千二百三十兩四分六釐

戶部本色起運正兌本色漕米原編五千石除荒實徵四千
八百二十石七斗三升一合二勺正兌耗米一千二百五十

石除荒實徵一千二百五石一斗八升三勺改兌本色漕米
一千六百二十七石五斗除荒實徵一千五百六十九石一
斗四升四合七勺改兌耗米二百七十六石六斗七升五合
除荒實徵二百六十六石七斗五升四合潤耗米三百一十
九石四斗九升三合二勺統計各項本色起運八千八百八
一石二斗九升四合二勺

本色起運漕豆二千九百一十五石四斗二升五合三勺

工部本色起運棉布四百七十八疋一十二尺

於丁地內徵
銀採買解部

詳前
法

存留銀原編除荒實徵一萬三千一十六兩二錢四分二毫
九絲閏月銀除荒實徵九百九十四兩二錢七分二釐五毫

舊併河工款項驛站銀除走遞青夫外銀九千九百八十一兩四錢四分八釐五毫八絲本府本縣等各閏月銀在內今惟河工款項仍在存留銀內支解其驛站銀分別裁減撥解司庫本府本縣等閏月銀共四十七款裁歸解司項內現在存留實銀數及應解應支各款詳列於後

道光四年連閏月存留銀一萬五千三百二十七兩七錢六

釐如不過閏月存留銀一萬四千八百五十三兩八錢五分三釐

解糧儲道六八漕折銀三千五百八十一兩六錢五分三釐

輕賣銀三百八十五兩六錢五分八釐折席銀二十二兩三

錢六分五釐漕耗節省銀一千二百二十七兩一錢九分四

釐潤耗銀三百一十九兩四錢九分三釐統計五千五百三

十六兩三錢六分三釐如不過閏月計數扣除

并按察司驛站新舊裁減並裁塘銀一千二百三十七兩九

錢三分八釐北路塘撥工料銀三百六十一兩三錢六分三

如不遇閏月
計數扣除

解河北鎮兵糧粳米銀七百三十六兩四錢一分三釐六毫

二絲五忽粟米銀四百三十八兩二錢三釐七毫一絲

舊名
宗祿

米蓋鄭王祿米也今解本
府收兌撥解河北鎮兵糧

解河北道河夫銀六百二十六兩二錢六分二毫修理古陽

堤銀四十四兩七分三釐六毫沁河水夫三名半工食二十

二兩二錢一分三釐一毫閏月銀二兩二分一釐三毫九絲

修船銀三兩八分五釐一毫沁河東西二堤公直堡夫十名

工食三十一兩七錢三分三釐閏月銀二兩八錢八分七釐

七毫三月祭沁河龍神十月備沁河橋梁猪羊祭品等項銀

五兩二錢八分八釐

應支府學文廟春秋二祭銀六十兩縣文廟春秋二祭銀四十五兩關帝春夏秋三祭銀四十兩文昌帝君春秋二祭銀二十六兩六錢六分六釐八蠟祠祭祀銀三兩五錢二分五釐九毫演武場春秋閱操祭旗祭品一兩七錢六分二釐九毫郡厲壇祭祀銀一十兩五錢七分七釐七毫八蠟祠下各壇廟乾隆六年奉文均勻分派支銀二十八兩七錢三分六釐一毫四絲五忽除舊支銀一十五兩八錢六分六釐五毫尚不敷銀一十二兩八錢六分九釐六毫四絲五忽在於丁韓文公祭祀銀四兩四錢七釐四毫許魯地折色項下補給

齋祭祀銀五兩二錢八分八釐九毫何柏齋祭祀銀五兩二錢八分八釐九毫昭忠祠祭祀銀四兩文廟修理銀八兩八

錢一分四釐七毫

本府知府俸薪銀九十二兩五錢五分四釐六毫知縣俸薪銀三十九兩六錢六分六釐三毫縣丞一員俸薪銀三十五兩二錢五分八釐九毫典史一員俸薪銀二十七兩七錢八分四釐儒學教諭訓導各一員各支俸薪銀四十兩府縣廩生廩糧二百二十五兩三錢三分三釐三毫二絲孤貧月糧花布銀六百五十六兩六錢六分五釐二毫五絲此孤貧銀係賦役全書開載今縣冊支銀六百四十七兩三錢六分五釐本府衙門門子二名工食銀一十二兩閏月銀一兩馬快手十名工食銀八兩閏月銀五兩喂馬草料銀九十五兩一錢九分九釐閏月銀八兩六錢六分三釐九絲步快手十六名工食銀九十六兩閏月銀八兩

皂隸十六名工食銀九十六兩閏月銀八兩知縣衙門門子

二名工食原額銀一十二兩閏月銀一兩今實支銀九兩六

錢閏月銀八錢馬快手八名原額銀四十八兩閏月銀四兩

喂馬草料銀七十六兩一錢五分九釐二毫閏月銀六兩九

錢三分四毫六絲今實支銀九十九兩三錢二分八釐閏月

銀八兩七錢四分四釐皂隸十六名工食原額銀九十六兩

閏月銀八兩今實支銀六十四兩八錢閏月銀五兩四錢兵

快工食銀四十六兩三錢一分二釐閏月銀三兩九錢七分

六釐

此項兵快工食銀賦役全書無今在以上各役工食銀內扣給

件作工食銀一十五兩

閏月銀一兩二錢五分

此項件作工食銀賦役全書無今分支皂隸二名半工食

看監禁

平八名工食銀四十八兩閏月銀四兩倉斗級四名工食銀

二十四兩閏月銀二兩轎傘扇夫七名工食銀四十二兩閏
月銀三兩五金屏夫四名工食銀二十四兩閏月銀二兩縣
丞衙門門子一名工食銀六兩閏月銀五錢皂隸四名工食
銀二十四兩閏月銀二兩馬夫一名工食銀六兩閏月銀五
錢儒學教諭衙門齋夫三名工食銀十八兩閏月銀一兩五
錢門斗三名工食銀二十一兩六錢閏月銀一兩八錢喂馬
草料銀五兩三錢閏月銀四錢八分二釐訓導衙門齋夫三
名工食銀十八兩閏月銀一兩五錢膳夫二名工食銀四十
兩閏月銀三兩三錢三分三釐三毫喂馬草料銀五兩三錢
閏月銀四錢八分二釐書院門子二名工食銀七
兩二錢閏月銀六錢廣濟河看閘夫二名工食銀原額銀一

十四兩四錢閏月銀一兩一錢今實支銀一十一兩五錢二

分閏月銀九錢六分在城等二十三舖舖司兵四十名工食

銀二百四十兩閏月銀二十兩酌存六壯三十名工食銀二

百四十兩驛站夫馬工料銀二千三百二十六兩三錢八分

閏月銀一百八十七兩六錢二釐扣貯夫馬建曠銀三十六

兩八錢三分倒馬皮歲銀八兩五錢留貯四夫銀三百七十

二兩六錢閏月銀三十一兩五分扣貯下剩買補倒馬銀一

百八十五兩五錢

驛站夫馬工料以下
五款依縣冊載入

耗羨應徵銀連閏月計實銀一萬一千五百二十五兩三錢

七分四釐本縣坐支公費銀百九十二兩

舊係支銀二百四十兩嘉慶九年奉

文酌減四十八兩實府經歷坐支養廉銀百兩縣丞坐支養

支一百九十二兩

廉銀六十兩典史坐支養廉銀八十兩坐支墩台營站地銀一錢九分三釐知縣應支養廉銀一千四百兩舊亦係在耗羨內坐支嘉慶十五年奉文赴司請領今實解司耗羨銀一萬一千九十三兩一錢八分一釐

額外課稅老稅銀五百七十七兩七錢六分八釐六毫一絲六忽牙行換帖稅銀八十兩五錢八分盈餘稅銀二千五百八十三兩四錢七分八釐八毫二絲新增稅銀一千一百八十三兩二分賦役全書所載舊額如此府志載牙帖銀一十二兩三錢牙帖新增銀三十六兩八錢九分九釐牙帖盈餘銀三百五十六兩一錢一釐新認牙戶銀一百三十八兩七錢房地稅契銀六百三十六兩五錢三分四釐房地新增銀

七十七兩七錢五分四釐當稅銀八十兩乾隆五十二年以前舊額如此今實稅解司牙帖原額盈餘新增老稅並新認牙等項統計銀一千六百二十一兩七錢八分八釐活稅原額並新增銀一千二百一十一兩六錢三分四釐當稅銀房地契稅銀儘收儘解按雜稅銀雖設有成額而因時增減既各不同而今實解司銀與舊秩全書亦復不齊祇當以奏銷冊爲準

倉儲常平倉額貯穀四萬四千石漕倉額貯穀二萬石勸倉額貯穀一萬石勸捐社倉未定額義社倉無

蠲緩順治二年

蠲免錢糧十分之八十七年

蠲免河南租稅順治十六年以前直省錢糧凡拖欠在民者俱蠲免康熙二十四年

蠲免河南等省錢糧康熙二十五年應徵地丁各項錢糧蠲免一半康熙二十四年未完地丁錢糧

亦盡蠲免三十年

蠲免河南省錢糧康熙三十一年錢糧通行蠲免五十年

蠲免直隸各省等處錢糧自五十年始三年之內全免一週河南省五十一年應徵地畝人丁

銀全免並歷年舊欠亦俱免徵雍正七年

蠲免河南錢糧豫省雍正七年額徵十一年

蠲免河南地丁錢糧四十萬兩河南本年地丁錢糧蠲免四十萬兩即以存貯之耗羨銀

照數撥補十三年

蠲免錢糧分惠佃戶乾隆十年

上諭以寰宇敕寧既鮮靡費之端亦無兵役之耗普免應徵

錢糧十一年

蠲免耗羨銀兩 各省正賦分作三年蠲免將蠲賦之年 應徵耗羨一併緩至開徵年按數完納 十五年

巡幸河南蠲租肆赦三十一年

蠲免漕糧

應輸漕米照康熙年間之例於乾隆三十一年為始按年分省通行蠲免一次

是年又

蠲免漕糧折色

各省州縣內有徵收折色者一體蠲免

三十五年

皇太后萬壽普免應徵錢糧四十二年

皇太后仙馭升遐推廣

慈仁普免應徵錢糧

自戊戌年始普蠲天下錢糧分三年輪免河南錢糧輪於四十五年蠲免

二十三年因豫省雨澤愆期奉

上諭先行蠲免豫省錢糧又奉

上諭借給籽種口糧銀一萬六千兩二十四年因豫省漫工

欠稽皆合奉

上諭將四十五年應免漕糧先行蠲免又因沁河水溢奉

上諭借給籽種銀五千五百六十二兩四十九年

蠲免錢糧十分之三五十年奉

上諭豁免四十三年四十四年借給籽種十分之三五十三
年因春雨未透奉

上諭應徵新舊錢糧俱緩至秋後分別徵收五十五年

八旬萬壽普免應徵錢糧

自辛亥年始普蠲天下錢糧照各省所屬府州次第均勻搭四分作

立次輪免通計三年一律蠲免仍奉
先儘五十四年災緩各府州首免

上諭豁免四十三年四十四年借給籽種十分之三於是兩

次豁免過四十三年籽種銀八千三十四兩有奇四十四年

籽種銀三千六百三十七兩有奇五十七年因旱奉

上諭緩徵錢糧五十八年沁河水溢奉

上諭賞給被水民戶口糧一月又奉

上諭遽緩新舊錢糧又借籽種銀七百八十八兩五錢五十

九年正月奉

上諭此項籽種銀豁免十分之三是年沁丹二水又溢奉

上諭豁免秋糧蠲緩舊借籽種銀兩十月發帑賑濟又借籽

種麥種七千三百兩有奇又豁免五十七年錢糧三萬五千

三百兩有奇五十八年錢糧四萬三千五十六兩有奇又豁

免歷年未完民欠二萬七千五百五十兩有奇六十年正月

奉

上諭四十三年以來歷借籽種銀兩全行豁免又免本年錢糧三萬六千六百兩有奇嘉慶十年奉

上諭蠲緩新舊錢糧蠲免本年錢糧九千二百四十兩有奇發帑賑濟並借籽種銀九百八十兩有奇十一年正月展賑二月十四年奉

上諭此項籽種全行豁免

恩賚乾隆五十年

恩詔賞賚九十以上老民趙宗義等三十六人人絹二匹綿二觔米二石肉二十觔八十以上老民顧榮先等四百四十六人絹一匹綿一觔米一石肉十觔七十以上老民一千三百九十九人人准一丁侍養免其雜派差徭嘉慶元年

恩詔賞賚九十以上老民楊廷臣等二十二人八十以上老民王景順等二百五十五人七十以上老民裴彭年等二百十八人俱如例嘉慶四年優免年七十以上老民閻棟等二百四人侍養丁如例嘉慶十四年

恩詔賞賚八十以上老民張仲元等三十九人七十以上老民楊珺等六百一十五人俱如例嘉慶二十四年

恩詔賞賚八十以上老人張宗湯等一百四十三人七十以上老民王存義等五百七十七人俱如例嘉慶二十五年

恩詔賞賚八十以上老民張宗湯等一百六人七十以上老民王存義等五百六十四人俱如例

鹽額額銷鹽引一萬三千三百三十七道又分認京引六百

一十三道計一萬三千九百五十道道光元年起提繳懷引一千四百七十九道提繳分認京引六百一十三道今縣實在鹽引一萬一千八百五十八道

舊志河內舊隸河東原額鹽引三千三百張順治十四年河內令孫公瀨受河南州縣減額引張增入本縣加引一萬三千二百九十張新舊共鹽引一萬六千五百九十張順治十七年奉文減三千二百五十三張實在鹽引一萬三千三百三十七張康熙二十四年四月本府王公肇春詳申巡撫王公日藻題請改食蘆鹽

卷十二

七

Blank manuscript page with vertical columns.

水利志

河內縣志卷第十三

水利之興原於溝洫周官稻人以豬畜水以坊止水以溝蕩
水以遂均水以列舍水以澮寫水其制如此蓋節宣其利灌
溉以時而民用興作稼穡以成年歲以登恃有此具也縣內
自秦渠引沁水以溉田而沁濟二水既其南丹水溉其北歷
載久遠修治者亦非一人明季袁公應泰卽故渠鑿山開洞
其功尤鉅其利尤溥以渠首在濟源慮豪強爭利乃明章條
目大書深刻垂於貞珉仁人之用心可謂深且遠矣然二百
年以來二邑之人猶未能平其心以遵賢令尹之教屢煩當
事之處分若胡君睿榕謝君維需於斯事尤勤通不敏承之
於此惟有申誠斯民恪守成規與濟邑之人相濡以沫相安

於無事則永遠利益蓋無窮期矣因列述興作之始與條教之細爲水利志

漢安帝元初二年二月詔河內等郡修理舊渠通利水道以漑公私田疇

魏野王典農中郎將司馬孚表請修枋口以爲方石爲門若天亢旱增堰進水若天霖雨陂澤充溢則閉石斷水空渠行澇足以成河雲雨由人經國之謀詔書聽許於是夾岸累石結以爲門用代木門枋故石門舊有枋口之稱矣漑田頃畝之數間關歲月之功事見門側石銘

隋煬帝四年發河北諸郡百餘萬衆開永濟渠引沁水南達於河北通涿郡

涿郡盧賁爲懷州刺史決沁水東注名曰利民渠又派人溫縣名曰溫潤渠以溉易鹵民賴其利

唐李元淳爲懷州刺史決沁渠七十餘里

懷州刺史楊承仙濬決古溝引丹水以灌田川之汙萊遂爲沃野衣食河內數千萬口

溫造爲河陽節度使奏復懷州古秦渠枋口堰以溉濟源河內溫武陟四縣田五千頃

元和郡縣志丹水去縣七里分溝灌溉百姓資其利焉

金史懷州孟津孟州及城北之四掃兼沁水事設黃沁都巡河官一員于懷州以臨之

城北孟州鎮名在孟縣北十三里

天眷間黃沁都巡河官下四處懷州孟津孟州城北各設黃

河內縣志

卷十三

沁散河官一員

元中統初譚澄爲懷孟路總管歲旱令民鑿唐溫渠引沁水

以灌田民用不饑

元史

至元十五年設懷孟路管渠使副各一員

至元十八年保定尙野爲懷孟河渠副使會遣使問民疾苦

野建言水利有成法宜隸有司不宜置河渠官事聞于朝河

渠官遂罷

世祖時郭守敬面陳水利六事其一云懷孟沁河雖澆灌猶有漏堰餘水東與丹河餘水相合引東流至武陟縣北合入御河可灌田二千餘頃

元史河渠志廣濟渠在懷孟路引沁水以達於河世祖中統

二年提舉王允中大使楊端仁奉詔開河渠凡募夫千六百五十一人內有相合爲夫者通計使水之家六千七百餘戶一百三十餘日工畢所修石堰長一百餘步濶三十餘步高一丈三尺石斗門橋高二丈長十步濶六步渠四道長濶不一計六百七十七里經濟源河內河陽溫武陟五縣村坊計四百六十三處渠成甚益於民名曰廣濟三年八月中書省臣忽魯不花等奏廣濟渠司言沁水渠成今已驗工分水恐久遠權豪侵奪乃下詔依本司所定水分已後諸人毋得侵奪至文宗天歷三年三月懷慶路同知阿合馬言天久亢旱夏麥枯槁秋穀種不入土民匱於食近因訪問耆老咸稱丹水澆漑近山田土居民深得其利有沁水亦可漑田中統間

王學士亦爲天旱奉詔開此渠募自願人戶於太行山下沁口古蹟置分水渠口開濬大河四道歷溫涉入黃河約五百餘里渠成名曰廣濟設官提調遇旱則官爲斟酌驗工多寡分水澆漑濟源河內河陽溫武陟五縣民田三千餘頃咸受其賜二十餘年後因豪家截河起堰立碾磨壅遏水勢又經霖雨渠口淤塞隄堰頽圯河渠司尋亦革罷有司不爲整治因致廢壞今五十餘年分水渠口及舊渠跡俱有可考若蒙依前浚治引水漑田於民大便可令河陽河內濟源溫武陟五縣使水人戶自備工力疏通分水渠口立牌起堰仍委諸知水利之人多方區畫遇旱視水緩急撤牌通流驗工分水以灌漑若霖雨泛漲閉牌退還正流禁治不截水置碾磨

栽種稻田如此則澇旱有備民樂趨利請移文孟州河內武陟縣委官講議尋據孟州等處申親詣沁口諮詢耆老言舊日沁水正河內築土堰遮水入廣濟渠岸北雖有減水河道不能吞伏後值霖雨蕩沒田禾以此堵閉今若枋口上連上岸及於浸水正河置立石堰與枋口相平如遇水溢閉塞牐口使水漫流石堰復還本河又從減水河分殺其勢如此庶不爲害約會河陽武陟縣尹與耆老等議若將舊廣濟渠依前開濬減水河亦增開深閘築安磨礮設立牐堰自下使水遇旱放牐澆田值澇閉牐退水公私便益懷慶路備申工部牒都水監回文本路委官相視施行

明宏治六年河南參政朱瑄言廣濟渠苟盡人力可甦民困

巡撫徐恪以聞勅瑄專主其事隨宜宣通置閘啟閉由是田得灌溉嘉靖時河內令胡玉璣浚之名利豐河隆慶二年知府紀誠又名之曰通濟河

萬歷二十八年河內令袁應泰濟源令史記言始循枋口之上鑿山開洞其極西穿渠曰廣濟爲河內民力所開工最鉅次東曰永利爲濟民所開又次東曰利豐乃舊渠而河內民重浚買濟源民地以順水東下兼利濟地而仍嘉靖時故名土人呼爲五龍口三洞者也

曹邑 俗天下名勝志帝堯池自太行山谷出流爲河名堯河
溉田沃廣

沁河水利廣濟河在永利河西由廣濟洞引沁水入渠自五

龍口南流徑官庄休昌折而東又徑小許村至程村交河內
縣界長十八里先於許村東北浚減水河長一里九十丈洩
入沁河正河由程村又東徑新庄南尋村又東至府城西南
之七里橋東南徑佳村入溫縣界逕衛村至許王村凡五里
復交河內界至保奉村東交武陟界統計河內長八十六里
又東南徑武陟之二仙廟逾溫之平皋鎮又東至南賈口入
河在武陟境共四十一里原制二十四堰今存十五堰案通志云
廣濟渠即古枋口秦渠酈道元所謂朱溝水是也乾隆府廳
州縣圖志云廣濟河沁水支流其在濟源河內者即古朱溝
水其至溫縣入河者即古沙溝水也

永益堰

自北官莊南歸起至許村南

天富堰

自許村開口起南徑大許村東許村小許

村至河內辛村長六里

太平堰

上接天富自河內武家作東至劉家莊長十五里

萬盈堰分

頭二兩堰自河內七里橋東至舊廣阜堰自南屯沙崗至

順入萬盈頭堰用水故不敷又攷此水入溫興福堰自彭

縣界自薛村起至雙流村入利豐之永興堰興福堰自彭

香鎮至劉大豐堰目南尋村西分廣濟河水迤南而東至

家莊十里大豐堰賈村東交溫縣王太保村東流至五郡

村入於河在河內境四十大有堰自南尋村東分廣濟河

五里在溫縣境四十五里大有堰水東南流旋折而東二

十三里至感化村南交溫縣又七里興龍堰自住村起十

至雙流村匯於豐稔北河人豬龍河興龍堰二里交溫縣

郭村十八里至南長濟堰自溫縣衛村東北起至曲河村

張村東併入長濟長濟堰併入大豐堰入於河長十八里

通濟河分永濟上中下三堰自河內七里橋起至溫縣二

上堰自南尚至祝策為中堰自祝策至彭城為下堰彭城

下舊有利今無府舊志云通濟河分廣濟河水至尚香鎮

入於沁初封郎中蕭鸞用支堰河分廣有上下二堰自河

價買河口永免本家夫役支堰河內高家橋分通濟水至

龍澗村東北入沁河長二十五里自周家莊至寨村為上

堰自寨村至龍澗為下堰府舊志云支堰河分通濟河水

流至石澗

村入沁

以上共十五堰各有陰洞堰頭按時啟閉河通長一百五

十里既濟源河內溫武陟四縣田

按是河久多淤塞下游獲利甚微乾隆三十七

八年間河內令積善集夫挑濬以路遠隔境功未得成四十八年知府布顏公重修濬是年八月開工次年二月工浚口寬三丈底寬二丈深一丈水勢得暢澆河濟孟溫縣田五千餘頃

河內縣知縣袁應泰廣濟渠申詳條欵碑記曰河內地方歲苦亢旱幸遇院司道府嘉惠窮民興利明文不啻三令而五申之本縣仰體至意申詳蒙允開鑿廣濟渠一道業已竣事告成矣但規畫久而易湮人情習而滋玩欲圖永遠之利宜詳經制之方二載以來熟視水勢深維弊源是用條列事宜如左一明河基以防侵占本河自太行山鑿洞引水經濟源孟縣河內溫縣武陟達於黃河延袤一百五十里濶八丈俱係除糧官地又價買濟源民田開減水河一道以防泛濫衝決之患長一里零九十丈濶四丈亦係移闢該縣除糧永爲官地如隣河居民侵種兩岸湮沒舊制以盜決堤防治罪一定渠堰以均利澤本河一渠共分二十四堰第一永益堰由官庄至休昌長三里第二堰永利堰第三長豐堰俱併入永益堰第四天富堰由許村長二里第五永福堰順入利人河第六廣福堰由許村官庄入豐稔河歸黃河長一百二十里

第七和豐堰由辛村高村長五里第八廣豐堰由東許村金塚白溝作雙流沈河至小營入黃河長一百二十里第九大豐堰由南尋西李家橋曲溝柿園土坯賈村至黃岡可減水入黃河長一百三十里第十大有堰由南尋保方王讚楊村北董至沙崗長三十里沙崗有鄭府寄庄七頃五十畝除本堰三分水一日第十一太平堰由武家作張家作至劉家莊長一十里第十二廣有堰由七里橋故事馬舖至古澗入沁河長二十五里第十三永濟堰由護城五王祝策彭城尚香鎮張相至蘇王東宏福堰長七十里尚香西砌攔水閘減水入沁河第十四廣阜堰由南屯沙崗至辛王長一十里第十五新興堰由李村冷家庄賈村至北真長一十八里第十六廣隆堰由五王長二里第十七萬盈堰由分水石七里屯五正衛村至彭城長三十里第十八常濟堰由住村珍珠庄高照至耿家庄入澇河歸黃河長六十九里第十九興隆堰由郭村王里李家庄至北張長一十八里第二十興福堰由彭城尚香鎮至劉家庄長一十里第二十一宏福堰由蘇王南徐澗至南張一十五里第二十二萬億堰由西冷至東周長一十里第二十三大濟堰由北冷至杜家庄長八里第二十四永通堰由保封董宋趙庄至唐郭入黃河長四十里中間支渠之在各堰者遍蒲原隰不妨隨便開道惟此二十四大堰較其遠近酌其盈縮民已稱均平矣此中如強有力者擅開一堰計日分水卽減別堰之利若係上流尤宜嚴禁蓋勢

可霸之以自利而下流遂至涓滴不露矣侵奪不均弊由於此一泄餘水以免泛溢本河水勢頗迅兼以秋雨驟集溝澮之水皆入於河不無留堤之慮前於本河要害處所開減水河一道以泄之仍動本縣積剩公費銀建立石閘一座但水勢疾於建旣兩岸易於衝塌宜用石砌兩幫以垂永久見有設立以理本河公田租穀每年一百二十石動支一年以供其費庶石堤完固蓄泄備而水利益永矣一設閘夫以便防守本河洞口及減水河口與分水處所俱有設立石閘以時啟閉惟閘夫是賴相應於石洞設二名減水河分水閘各一名每名工食銀七兩二錢查有本縣冗役吹手可裁二名青大泊鋪陳庫夫可各裁一名改給閘夫工食庶無加派之擾而興事用人兩為便宜一分水次以禁撓越大旱之時民以水利為命乃強梁者肆為兼併而小民涓滴無望焉於是相率而告高阜或疾視吞聲莫敢誰何相應編定水分自下而上挨次引灌除大月浸河水一日各堰不得呈討引灌外每月以二十九日為率每日百刻共計二千九百刻共夫四百六十二名每名分全河水六刻二分七釐七毫自第二十四堰而上至第八堰共夫四百六名半分全河水二十五日六時每月兩輪每輪一十二日九時上輪自初一日子時起至十三日申時止下輪自十五日午時起至二十八日寅時止以十分計之萬盈等十一堰四分二釐廣有等二堰二分八釐太平等四堰三分為一號自第七堰而上至第一堰共夫

五十五名半分全河水三日六時每月兩輪每輪一日九時
上輪自十三日酉時起至十五日巳時止下輪自二十八日
卯時起至二十九日亥時止以十分計之天富等三堰四分
四釐永益等三堰五分六釐爲一號各堰通融照夫輪灌仍
令二十四堰各建一閘一閘之中計百步總砌一陰洞引水
入于渠灌田俱各用鎖該總管司之凡遇用水之時發鑰開
閘及陰洞依次放水攬越之弊不禁而自無矣如仍恃強
攬越計畝罰穀俱入廣濟倉同公田穀脩修河之用一栽樹
木以固隄岸各處河堤多植柳樹以其根株盤結可以固隄
而障水也相應於春初之時着令各隣本河居民遍栽柳樹
數年之後可以成材不惟堤岸堅固而材木不可勝用矣
廣濟河渠水利碑記曰廣濟洞渠石閘一座兩空每空流水
高四尺濶五尺六寸閘北面寬三丈二尺高三丈望水門二
座東西夾門二座上欄杆十空閘板鐵索滑車俱全閘夫看
守石洞長二十一丈底濶一丈二尺高一丈石河長二十三
丈底濶一丈二尺深七丈九尺山神廟迤南上接入廣濟河
身買濟源官庄里民蓋汝器地五畝價銀五兩併兩岸壓占
山坡地一十五畝俱該縣除糧永不起科共地一十五畝地名
郭登開修連豐稔河架橋一座陰洞四空每洞中高五尺一
寸濶四尺三寸兩頭各高七尺五寸長二丈五尺計用石減
水河一道長一里零九十丈濶四丈用價買濟源縣諸民
畝廷檜等地一十七畝二分三釐九毫共出價錢二十九千

五十七文後關該縣除
空北官路橋一座利人河
貴地一十八畝價銀一十八兩
課准作工食大豐堰減水欄水閘一座兩空每空濶四尺四
寸分水閘一空下高二尺濶一尺八寸上濶四尺六寸減水
置買本縣利上四圖九甲吳宗孝等中下地二十畝價銀八
兩開夫承糧耕種看守本閘永遠遵守太平堰夫十五名各
處疏挑河工免調經年補修看守大河張村至分水石堤岸
併千倉渠架橋以防不虞西七里屯分水石處南河萬盈等
十一堰口濶七尺三寸北河永濟等四堰口濶五尺七寸底
帮各長十一丈八尺深四尺五寸西官路大磚石橋一座兩
空南七里大磚石橋一座俱本縣俸贖官銀修建初鑿太行
山穿洞并修建大石閘架橋及減水河閘橋分水石等處委
官公直甄周南王尚智蕭守祖侯應時趙陽趙九所張思聰
張思周黃延壽李應光閻時化成齊李太運李應守段國王
李邦寧郝有義蓋汝龍馬九叙張守志具蒙本縣知縣袁申
請撫河按三院守巡河三道及本府并河廳詳允准給冠帶
牌扁獎賞外又蒙申請管理河道兼管水利河南等處承宣
布政使司右叅政司右叅政兼按察司僉事朱批本縣申陳
情祈恩以勵勤苦事奉得廣濟洞之開也遠近駭焉謂
山之石木易鑿而成功未可必也幸賴本道主持於上加意
勸捐原委各公直王尚智等感激戮力裹糧從事有三年山

上不告竣誓不旋踵者有面目黎黑指墮膚裂或感病力疾猶無懈志者有家有喪變及水災盜患義不反顧者有捐資以犒匠作爭先成功者三年如一日衆人如一心然後鑿透石山開洞建閘引水灌田波及五邑利被萬家業蒙院道嘉其成功准給冠帶仍獎賞有差矣夫有永賴之功者宜食永賴之報各役所有利地委應各免夫役一名子孫同衆永遠用水如本身地少不足夫一名者免盡本身不得冒免他人各給帖文永遠遵守庶激勸有道而人心益勵等因具申照詳蒙批王尙智等鑿山引水灌漑五邑田畝而精勤三載方告成功其當酬勸爲何如者如議各免夫一名子孫同衆永遠用水第不得冒免他人各給帖文遵照繳蒙批擬合給帖帖仰本役照帖事理如遇本河起夫興工之日卽照後開地畝數免其本身夫一名子孫同衆永遠用水如本身利地短少不足夫役一名者止免盡本身不許冒免他人永爲遵守第一永益堰第二永利堰第三常豐堰俱順入第一堰共夫三十一名半老人蓋汝能第四廣豐堰順入豐稔河第五永福堰順入利仁河第六天福堰夫二名第七廣福堰夫十四名第八和豐堰夫八名三堰共夫二十四名老人李士楚第九大豐堰減水夫六十二名半又新興堰夫十八名順入一堰共夫八十名半老人盧三顧第十大有堰夫四十六名老人王行外鄭府三分水一日第十一太平堰夫十五名老人湯文清第十二廣有堰夫十一名半外公田二名老人周天

第十三永濟上中下三堰夫一百二名老人朱冠張炯王
 九星第十四廣阜堰夫八名老人宰光賢第十五新興堰夫
 十九名半順入大豐堰夫十八名止存夫一名半老人李進
 壽第十六廣隆堰夫四名半第十七萬盈堰夫四名半老
 人王應舉第十八常濟堰夫十五名半老人劉夏正第十九
 興隆堰夫九名半老人嚴光明第二十興福堰夫十四名老
 人劉壽增第二十一宏福堰夫二十七名半老人梁谷完第
 二十二萬億堰夫八名半老人梁誦第二十三大濟堰夫十
 名第三十四永通堰夫七名老人李尙梧廣濟洞自洞至河
 內縣界濟源縣地方河長六千九百六十四步河內縣地方
 至分水石河長八千二百步大豐堰減水河河內縣長四十
 五里溫縣七十五里投入黃河永濟堰北河投入宏福堰長
 一萬五千四百步向香西減水河長五百四十步投入沁河
 廣有堰投入沁河長六千二百五十步萬盈等堰南河河內
 縣河長一萬一十七步溫縣河長一千二百步武陟縣河長
 一萬二千八百十步投入黃河河內縣頂濟源縣界利上三圖
 八甲歲字一號中心區內除廣濟河身濶六步利上
 四圖五甲潤字一號中心區內除廣濟河身濶六步利上
 廣濟河身濶六步寬平五里八甲日字一號中心杜臣內除
 廣濟河身濶六步寬平五里八甲東北角檄頭楊宗禮內除
 廣濟河身濶六步崇上六圖十甲溫金字五廻四號中心司
 道內除廣濟河身濶五步四小尺四寸崇上六圖十甲東南

角礮頭李往內除廣濟河身濶八步崇上六圖二甲西南角礮頭梁田內除廣濟河身濶八步崇上二圖十甲西北角礮頭王魁內除廣濟河身濶八步溫泉水字四迴六號刷邊中心馬守安東北角礮頭魏崇湯內除廣濟河身濶六步崇下五圖三甲溫水字一迴六號中心崔敖東北角礮頭魏來李思聰內除廣濟七里河身濶五步西北角礮頭李參內除七里南堰河身濶四步崇上太平鄉四圖八甲天字十一號十四區中心趙來朝內除廣濟河身濶六步武陟縣天字十五號第十二區外刷邊九區區頭秦漢西北角礮頭張朋內除河身地二十二畝五釐四毫

知府沈公榮昌濬廣濟洞記康熙六十年因告乾者多用水者出夫工日利戶水不下灌不願出夫曰告乾水利不均河捕通判趙溥集各公直均定時刻水冊次序則永益天福大豐大有太平廣有上下永濟上中下萬盈頭二長濟興隆興福用水時仍舊制自下而上從興福始縣府存案民用不爭然原制堰二十有四計夫四百六十有二是時僅存堰十五夫止三百二十八名六分二釐矣越三十五年為乾隆丁丑水流益弱河身愈高十五堰中亦紛紛告乾存夫三百二名前府薩寧阿檄河內丞席芒復浚黃龍洞上人呼為黃窩者然履勘不得故跡考察數月始知壅塞自在水洞非開黃龍之開塞也蓋永利洞居廣濟洞下流水緩沙淤人欲殺廣濟入水之勢以益永利乃詭言祈禳愚

閣則洞門掩蔽築橋以蓋水道則深不知而私相壅石洞中無怪洞水雖深不能流注席丞聞其弊于府薩守親勘得寔於是先浚下流渠河俾有容納然後以推毀石閣顯出洞門席丞率夫役乘筏入洞用轆轤出巨石數百枚小石以萬計水流如箭渠水充盈而告乾已久之公福廣隆萬德大濟永通五堰皆沾餘潤慶有秋是則前守勤民祛弊功在茲土而席丞能承奉宣力勿壞前人成制可謂能勤其職矣故志之以告後賢知淤阻之由時宜加意也

知縣謝維沛廣濟河十五堰水分清冊原序粵稽廣濟河開自明朝河內令袁公應泰志切愛民疏通水利鑿穿太行三年成功五邑被澤其間督工捐銀公而忘私者大抵諸公直之功居多計一河共分二十四堰漸因水利不均澆灌維難多遷高阜自康熙六十年以來止存十五堰興工使水而已然其用水之日期派定之時刻皆因夫役之多寡亦因河勢之上下不得以私意混亂增減之也前陞任本府正堂方復疏河渠命造一冊未之頒行實與舊冊大有互異民多以為不公惟願多照舊冊遵行爰傳諸公直後嗣任之官署將各堰遺冊彙為一集細加查核其中多有時日重複者亦有時日落空者重期則起霸截之舉空期則必至爭攘之漸此皆因告高阜之日期未之均派而冊籍遞造訛以傳訛執事不細心考究積弊如山若不急為釐正竊恐水利不均爭訟日起而判事者將何所據以為衡斷耶第思舊冊不可以為繩

新冊又群以爲不可遵計惟有以現在之夫派現在之水依撥水之分數定時刻之多寡但分刻之間難爲準的易起事端故貳叁則除之陸柒則歸之一月之內心血幾盡遂更正而均派之令無一刻之重複無一刻之踰空無一夫之偏枯若稍有霸佔攙越之弊開冊了了及查遞高阜之堰下五堰有廣隆宏福萬億大濟永通中五堰有永濟下堰其使水時刻理宜公分奈其中廣有支堰無告高阜勢將以已物而公用若全留本堰則又以公物而爲私有故量提出一十二時應永益天福大有太平照天增派但永益天福居于上流增一時則大豐一分八釐之水即減一時於勢不可加太平居中伍下伍之上浮水足用可以不必加故歸于大有此因勢揆情一片均利之心非有半毫私意于其間亦即永益堰外加大建一日之調也凡爾利戶當仰體焦心各安本分息其爭端絕訟根則不啻鼓子望之是爲序

十五堰始末

考廣濟河共開二十四堰共夫四百六十二名漸因河低地高且久不疏濬多告高阜僅存十三堰推廣有分出一堰永濟上堰分出一堰共成十五堰共存夫現在常差者止三百二十八名六分二釐矣
第一永益堰第二永利堰第三常豐堰俱順入第一堰第四廣豐堰順入豐稔河第五永福堰順入利仁河第六天福堰第七廣福堰第八和豐堰三堰共爲一堰第九大豐堰新興

堰順入一堰第十大有堰第十一太平堰故今存永益天福
大豐大有太平堰為上五堰第十二廣有堰第十三永濟堰
上中下三堰今廣有分為上下二堰而永濟下堰已告高阜
其永濟上堰第一小甲為上堰第二小甲為二堰與廣有上
下永濟中堰為中五堰第十四廣阜堰今歸併萬盈堰第十
五新興堰順入大豐堰第十六廣隆堰第十七萬盈堰今列
為頭二兩堰第十八常濟堰第十九興隆堰第二十興福堰
第二十一宏福堰第二十二萬億堰第二十三大濟堰第二
十四永通堰除廣阜併入萬盈新興順入大豐餘告高阜今
存萬盈頭萬盈二常濟興隆興福為下五堰云

十五堰條目

夫四名派水四時遇大建朔三時日

永益堰

夫二十二名九分派水二十三時

天福堰

以上二堰川全河之水但查永益堰其地最高其河最低
多告高阜僅存夫四名水止有四時何以足用若為多派
則奪眾堰之期舊例原有大建三十日讓其獨用若小建
則無此皆眾堰之情讓不得以勢居上流水不敷用而萌
霸截之釁也

大豐堰

夫六十二名八分原作永水河用故另撥一分八釐全河
之水自為起止不與眾堰同號因永益天福居其上流當
其用水之期則水不能下故不能週一月之期也

河內縣志

水利志

二

大有堰

夫四十七名派水七十四時

歸高阜水在內

太平堰

夫十五名派水一十九時

以上二堰用八分二釐之水故較上二堰為增較下十堰為減也共夫一百五十名零九分為上五堰

廣有堰上

夫十三名半派水一百一十五時

廣有堰下

夫十二名派水一百零一時

永濟堰上

夫十六名八分二釐派水五十三時

永濟堰中

夫十七名派水五十四時

永濟堰下

夫三十四名九分派水一百零九時

初一日為起而為止並與下五堰同日同時而止也共夫九十四名二分二釐為中五堰

廣阜堰

夫四名派水十時

今歸併萬頭

萬盈堰

夫四十九名半派水一百二十八時

今改為頭

常濟堰

夫九名派水二十三時

興隆堰

夫九名派水二十三時

興福堰

夫十二名派水三十一時

以上五堰共夫八十三名半為下五堰查廣阜堰具呈歸

於萬盈堰頭甲同號使水各有五而實則四矣今分萬盈

為頭二兩堰以足下五堰自初一日起從下而上與中五

堰同起而同止迨太平太有天福永益遞接而用匝其二

月週而復始是知廣濟河一口一身上五堰而居之首中

五下五堰為兩尾其中五堰又分兩尾共為三尾此則全河之形勢也

公直

王尚智後嗣王名世

甄周南後嗣甄天富

黃延壽後嗣黃養忠

張思周後嗣張文仲

張思聰後嗣張文松

趙揚後嗣趙良名

郝有義後嗣郝振華

段國玉後嗣段英

葛汝龍後嗣葛自鈞

侯應試後嗣侯銓

閆時化後嗣閆振世

李邦寧後嗣李文祥

蕭守祖後嗣蕭宗曾

廣濟河十五堰水分時日

永益堰自官庄村起至休昌鄭郵西南止共澆利地六頃

八十三畝夫四名每月兩輪分水上一輪十五日辰時起

至本日巳時終止下一輪二十九日戌時起至本月亥時終

止若遇大建月三十日之水歸于下輪獨用

天福堰自許村起至高村止澆灌利地四十頃六畝七分

六釐夫二十三名九分每月兩輪分水上一輪十四日辰

時起至十五日卯時止下一輪二十八日亥時起至二十九

日酉時止

大豐堰自南尋村起至劉件村止共澆利地八十六頃六

十畝二分八釐五毫原撥本河水一分八釐夫六十二名八

分每月兩輪分水上一輪初一日午時起至十四日卯時

河內縣志

水利志

七

終止下一輪自十六日子時起至二十八日戌時終止
小甲夫十六名五分利地二十九頃七十四畝五分之一輪
十一日丑時七刻起至十四日卯時終止下一輪二十四日
未時七刻起至二十八日戌時終止 二小甲夫十名五分
利地十三頃六十畝上一輪初八日亥時六刻起至十一日
丑時六刻止下一輪二十二日巳時六刻起至二十四日未
時六刻止 三小甲夫十名九分利地十五頃零六分八釐
上一輪初六日申時二刻起至初八日亥時五刻止下一輪
二十日寅時二刻起至二十二日巳時五刻止 四小甲夫
十名八分利地十六頃八十六畝八分五毫上一輪初四日
卯時六刻起至初六日申時一刻止下一輪十八日酉時六
刻起至二十日寅時一刻止 五小甲夫七名一分利地十
一頃三十八畝三分三釐一分一毫上一輪初一日午時起至
初四日卯時五刻止下一輪自十六日子時起至十八日酉
時五刻止 外浸河水一日分為兩輪上一輪初一日子時
起至本日巳時止下一輪十五日午時起至本日亥時止
大有堰 自南尋村起至沙崗村止三小甲夫共利地九十二
頃四十五畝六分夫四十七名每月兩輪分水上一輪十一
日辰時起至十四日卯時止下一輪二十五日酉時起至二
十八日戌時止 一小甲夫十五名半利地三十頃五十三
畝九分六釐上一輪十三日巳時起至十四日卯時終止 二
輪二十八日子時起至本日戌時終止 二小甲夫十四

日利地二十七頃二畝一分九釐上一輪十二日午時起至十三日辰時終止下一輪二十七日子時起至本日亥時終止

止 三小甲夫十七名半利地三十四頃八十九畝四分五釐上一輪十一日辰時起至十二日巳時終止下一輪二十

五日酉時起至二十六日亥時終止 太平堰 自武家作起至劉家庄止共澆利地二十九頃九

十七畝二分六釐夫十五名每月兩輪分水上一輪初十日午時起至十一日卯時終止下一輪二十五日子時起至本

日申時終止 內有開山鑿洞公直蕭守祖孫免夫一名使三分浮水 七里橋馬鋪起至古澗止今分上下二堰中

廣有上堰 自七里橋馬鋪起至古澗止今分上下二堰中五堰列為兩焉上堰共澆利地二十六頃四十二畝九分八

釐八毫夫十三名半每月兩輪分水上一輪初五日申時起至初十日巳時終止下一輪二十日卯時起至二十四日亥

時終止 廣有下堰 計長十里共澆利地二十頃六十畝二分夫十

二名每月兩輪分水上一輪初一日午時起至初五日未時終止下一輪十六日子時起至二十日寅時終止 外澆河

水一日分為兩輪上一輪初一日子時起至本日巳時止下一輪十五日午時起至本日亥時止

承濟上堰 自護城村起至南尚村止共澆利地三十四頃一十五畝夫一十六名八分二釐舊分上中下三堰其下堰

已遞高阜今永濟上堰乃上堰之一甲也永濟二堰乃上堰之二甲也與永濟中堰廣有上下堰共為中五堰每月兩輪分水 上堰上一輪初八日辰時起至初十日巳時終止下一輪二十二日酉時起至二十四日亥時終止

永濟二堰 共澆利地三十五頃二畝零五釐共夫十七名舊分上中下三堰其下堰已遞高阜今永濟上堰乃上堰之一甲也永濟二堰乃上堰之二甲也與永濟中堰廣有上下堰共為中五堰云每月兩輪分水 二堰上一輪初六日丑時起至初八日卯時終止下一輪二十日午時起至二十二日申時終止

永濟中堰下 共澆利地六十八頃三十畝四分六釐共夫三十四名九分每月兩輪分水上一輪初一日午時起至初六日子時終止下一輪十六日子時起至二十日巳時終止外浸河水一日分為兩輪上一輪初一日子時起至本日巳時止下一輪十五日午時起至本日亥時止

萬盈堰 盈頭二小兩堰為萬盈二小鵝萬 自分水石七里屯衛村起至彭城村止共澆利地九十八頃六十一畝七分五毫夫四十九名半 一小甲利地二十六頃六十畝二分二釐夫十二名外公直夫一名半共夫十三名半外高阜地十七畝七釐 二小甲利地二十三頃七十畝六分二釐五毫夫十二名外高阜地十六畝五分 三四小甲共夫二十四名利地四十八頃一十五畝六分五釐 一小甲二小甲今

之萬盈頭堰也內併廣阜堰夫四名水十一時上輪至巳時
下輪至亥時共夫二十九名半水七十七時上一輪初七日
辰時起至初十日巳時終止下一輪二十一日酉時起至二
十四日亥時終止 三小甲四小甲今之萬盈二堰也分水
六十二時上一輪初四日酉時起至初七日卯時止下一輪
十九日寅時起至二十一日申時止
常濟堰 開口寬五尺渠底寬五尺渠長三里自衛村起至
程家庄西橋邊止以下無利地入黃河其夫九名澆利地一
十四頃九十二畝五分每月兩輪分水上一輪初三日酉時
起至初四日申時終止下一輪十八日卯時起至十九日丑
時終止

興隆堰 自郭村王利李庄起至北張止共夫九名澆利地
一十五頃四十三畝二分每月兩輪分水上一輪初二日酉
時起至初三日申時終止下一輪十七日辰時起至十八日
寅時終止

興福堰 自彭城起至尚鄉劉家庄止共夫十二名澆利地
二十一頃六十七畝八分每月兩輪分水上一輪初一日午
時起至初二日申時終止下一輪十六日子時起至十七日
卯時終止 外浸河一日分為兩輪上一輪初一日子時起
至本日巳時止下一輪十五日午時起至本日亥時止
廣濟利豐兩河斷案碑記懷慶府河內縣知縣戴衛蒙沁河
通判朱於雍正八年五月二十三日抄送總督河東部院田

河內縣志

卷十三

古

批示廣濟利豐二河會詳前來細詢緣由係陞任前河內縣知縣馬駿雲於雍正七年五月十九日據廣濟利豐二河公直紳衿利戶侯琯趙三福徐萬富等稟稱培葺建閘侵霸水利等事通詳各憲其詳內略節以廣濟利豐二河創自明季河內邑侯袁公胡公協同鄉紳衿民捐資穀買地畝開山鑿洞之由成也誌書揭石昭昭可驗迨其後濟民村居上流貪得無厭遂有私閘私渠水車蘆葦種種之侵害矣自國初以來屢控屢違幾無寧歲昨卑職據控兩移關文於濟令湯權始以水深難折支吾繼以將糧換水朦混不得已具申脩由伏乞閱專施行蒙總督部院田批仰河南布政司會同河北道遴委賢員確勘妥議詳奪仍候河東總河部院批示繳總河部院核批公陳情由查訪水利等事詳利豐河私建車閘緣由仰懷慶府遴委賢員確勘妥議詳奪仍候督部院批示繳布政司謝批仰懷慶府遴委能員秉公查勘妥議詳奪仍候總督部院批示繳河部院批示繳懷慶府祁批水利關係民生盜截侵奪殊干法紀况河內廣濟河渠雖由濟境久有編定水分計月日時刻挨次輪灌上下通流定制昭然至濟源縣亦自有永益渠水何以修至今日輒敢越規佔阻甚為不解但疏浚淤塞現奉督部院題定成例則上流碍道之蘆葦立宜芟除淨盡私設水車立宜拆去無留固不待言矣惟是彼處橋閘創自何年首事何人從前因何任其混建致滋弊端該縣均未查明

既通詳仰候總漕部院司道批示行仍候嚴檄飭令濟源
河批道逡交沁河通判朱批候各憲批示繳其後布政司會同
勘明乃會詳云卑職遵卽會同孟縣于九月初八日親詣
濟邑之五龍口查勘得廣濟利豐兩河由濟邑地方經行十
餘里始入河孟溫武四邑灌地之餘仍歸黃沁河內誌書載
兩河之下分二十四堰以出力開河之民別爲利戶濟民之
有利者分五堰河孟溫武之有利者分十九堰每月兩輪照
號用水必先武陟次孟溫次河濟自下而上俾狡猾者不得
無功竊利法至善也迨日久弊生加以人情喜逸而惡勞如
武孟溫僅有分堰之名并無分水之實究其故伊等懈於疏
濬免河民代爲出夫卽代用其水是經製壞而爭端起矣致
令濟民之無利者得以藉口曰五邑協力開河水利盡歸河
內他邑旣不沾澤壞我濟地將糧換水而獨不可用水乎於
是爲橋開溝洞培蘆葦無利無號之私開實有妨於有利
有號之公堰由故明以迄於今河民曉曉不休而此案究竟
未結也職等仰體上憲一體同仁之至意會商確勘參考舊
卷博採輿情查袁令二十四堰之分設委爲百世不易之良
規欲息斯民之爭端當復前賢之舊制合無仍照袁令詳定
各堰名色令各邑秉公查報有利之戶造冊送府用印發各
縣存案設立堰長照號使水自下而上河民旣不代用三邑
之水濟民何由垂無利之誣又查廣濟河李化雲等水庫五

輜利豐河李定宇水車一輛惟葛自新委係開山公直葛汝能之子孫汝能有助子河往其在永益堰灌地因此堰地高河深非車不得水利自新委係利戶應准其一車使水其餘一概拆去廢無利者不得開私建之端但置車必用礮心河窄恐多淤塞今往伊用水車應將水車上下河身丈量寬深若干自本河礮心牆外對面開寬與上下河身相等則水車從旁轉運亦不致堵截河心有妨下源矣又查南程程村樊庄梨林許村朱村一帶庄村橋開蘆葦皆濟民無利戶也當開河之日漠然視之誠屬愚惰伊等雖云將糧換水載在府碑查碑文實未曾指各各將某地換某水也況二十四堰之中濟民原分五堰是利者已沐其上流矣至河紳楊姓價買濟地開河不惟勒之于石而又筆之於書至今銀數地主班班可考應將私建私置之處拆去礮心毀其閘底芟其蘆葦將見百年未結之案從此一旦冰釋第恐雨澤有愆期之日寧有水流通濟地忍坐視數村之枯槁而不與杯水以潤之者乎職等細考經制紊亂之由皆係下流之民去上源甚遠艱于跋涉以致河身日淤水流不暢爭端日起合無行令各邑督率有利之民各在本管境內照地出夫及疏濬既免裹紲又省科派之擾惟廣濟利豐兩河咸在濟境既禁其截水復派其疏濬無利出力與無功使水者同一轍也應將兩河之在濟境者責令南程程村樊庄梨林許村朱村等處無利之口按地疏濬准其於各家畝頭凡地高于水者用枯

糧利水灌地水高于地者用篋斗厚水灌地人力運水江浙
皆然凡上源無利者止許用此法澆灌不許私建開堰在濟
民無利者可免槁苗之憂於下源亦無所妨礙上下相安爭
端自息然須取具無利戶情愿疏河認狀甘結由該縣送本
府並水利廳衙門存案如伊等疏濬潦草或有壅阻等弊許
下源之民赴各縣稟閱查究倘蒙准行飭行各邑勒石遵守
其河渠每歲疏濬二次限以春冬之二月十月各縣率典史
督夫疏濬完日報水利廳會同縣收牒府申報查考如一歲
之中疏濬如式者將該縣記功不如式者記過如是則賞罰
嚴明責有攸歸而爭端可息水利永興矣至濟民私建水車
橋閘培壘蘆葦等項等查詢伊等自知理屈俯首無辭相
應免究合并聲明是否允行卑職等不敢擅便伏候批示以
便遵行等情到府移咨本司併圖會呈太子太保兵部尚書
兼都察院右副都御史等處存案查得南山東等處地方軍務督理
營田兼理河道加十一
議遵行勒石永遵仍取具無利戶情愿疏河認狀
甘結一併報查繳圖存案知縣
戴仁遵即勒石以垂不朽云

利豐河順治十五年舊志云利豐河卽利人豐稔二河因二
河水小分灌不均利戶爭訟知縣胡霑恩萬歷年建砌天平

閘一座分水澆灌永杜爭端故更今名府志云利豐河在濟源縣東北由利豐洞引沁水入渠自五龍口東南流九里逕王寨至程村利地七頃有零西南建天平閘分爲利仁豐稔二渠

利人河舊志云自五龍口開渠引沁水入河內境經城西北至東關閘口復入於沁初鄉官吳道寧倡衆創開此河免免本身夫役碑文可考支河曰許村南北西三堰河辛村西堰河南尋西南二堰河府志云利仁河由程村天平閘分水東逕許村安村梁莊曲溝等村至王韓牖東上輦村西入河內界東逕南尋村南魯村里村至北孔村西北減水入沁正河仍東南逕王莊唐莊丁家墳又南屈經府城東關外至東郭

知入沁此故道也分五堰

頭堰

自許村至梁莊

二堰

自梁莊至王韓牌入河內境上輦村至南尋村西內王韓牌西北分支渠由覆

背村

三堰

自南尋村至南魯村此堰於魯村郭牌分支渠由蕭家作陰洞進水至任莊順入利仁河名武

入沁

四堰

自南魯村至里村上橋牌

五堰

自土橋牌至丁家墳按以上五堰長四十里漸濟河地攷是河

于康熙十六年知府楊公廷耀乾隆二十六年知府沈公榮昌先後修浚惟古道于東郭穿古陽堤而下二十六年

沁水異漲將牌口填實外難高甚勢難重濬而內河水無去路故于孔村東橫河築壩逼水入減水河下沁餘水由

府北門外洩入城濠東西兩水口同歸于雙橋澇河入沁勒石永遵

豐稔河自濟源縣枋山五龍口開渠引沁水流至崇義鎮投

入淇河支河曰樊家莊南堰河府志云豐稔河由程村東南

流至朱村樊家莊小天平牌分南北兩支

北支河

分上下二堰

上堰

自東許村起至沁史村入河內境東流至柏香官河橋

下堰

河橋東朱家莊金

香村入溫縣境

永興堰

在溫縣西四十里上接河內金香村起至溫邑子村止長十里

以上至雙流村入豬龍河長六十里

南支河

分上中下三堰上

堰自水東堡至

中堰

白馮橋至王亮村

下堰

自王亮村至韓吳村

以上又東

流至李村東南豐樂渠之濟水匯焉又東逾崇義鎮入豬

龍河長六十六里並灌濟河溫三縣地

按通志載普濟永興利豐餘濟四渠

俱在河內縣西接豐利河及

永利河之支渠下溉孟縣田

范泰恒重濬利豐河記河內多水渠民受其利其大者廣濟渠外乃有利豐河河故名豐稔創於明嘉靖二十五年久且廢萬歷四十三年吾邑胡公治恩復闢之先大司農實佐其成分而為二曰利人豐稔建太公闢以闕之後邱公存性移開程村之西易名天平兩行如故東流為利人尾繞郡東郭人於沁長七十里豐稔流東南至樊庄復分南北支由韓吳村注豬龍河長六十五里為南支北支亦六十里而長則至溫之雙流村並達豬龍而發源皆枋口枋口雖濟地河則河內前民以價易之者惠分濟二河疏濬之事濟不得過而問嗣因減水閘之在濟梁家庄者洩之過或減正流又上流欄截

爲奸民不沾利不計年所矣乾隆五年夏水泛沙湧而河流
遂絕余閱前史有曰河內富實夫所爲富實者豈獨地利蓋
人事實有賴焉自司馬孚表治枋口千餘歲乃得經畧袁公
胡公繼袁公以興而利豐之功侔廣濟百餘年來名存實亡
前徽不繼按圖者猶曰河內富實反不如瘠土者猶易邀仁
人惠也夫今河內之視古河內彈丸耳卽河內之視爲地利
者又十不二三耳而一渠之利且聽其淤塞無有過而問之
者吏則逸矣如吾民何我侯胡公心惻焉六年仲春偕丞薛
君樂天謀濬之河源至五龍頭長二百七十九丈濶或丈餘
或二丈餘深八尺五龍達天平閘深六尺而長二千七十丈
濶二丈有奇此利豐總漕也利人起天平閘至減水閘長則
一千三百丈丈餘至二丈濶不等三尺減水閘至鄭村館其
長八百丈爲河內門戶河身昂三尺深倍之計其濶一丈五
六尺下達河尾一丈四尺濶深四尺長五十有七里而利人
於是濬豐稔自天平閘逮樊家庄小分水閘六百三十丈而
長又南北支之門戶也昂更甚深至七尺計其濶不減一丈
二三尺其南支自小分水閘至史村深五尺濶一丈四五尺
長蓋一千四百丈下至河尾長逾五十里深四尺一丈二三
尺其濶也北支與南支起同閘至官庄長約一千二百丈濶
一丈三四尺五尺深則同迄河尾濶不過丈二尺深三尺其
長四十有六里蓋南北支之分流豐稔者皆於是乎濬而利
豐河百年淤塞豁然大通矣又河吸沁流舊設三洞以待之

中澗八尺東西各四尺五寸澗向開中東二洞西則閉訛傳
爲涸溜開且無益當斯時諸有事河干者白之公公不可則
力起大石數十皆千觔小石不可計臭穢遠徹不可近聞迨
夫之而後水勢充暢視前三倍抑又念減水閘之在濟者病
正流則於邑西古章村馬坡村開閘各一而以時洩其水梁
庄舊閘非大水閉勿啟旱魃巨浸俱不爲災河內富實庶幾
復其舊小民有歌聞之太守王公太守聞之中丞雅公中丞
嘉廼不績而公且謙讓未遑也夫美利不言良有司之事而
棄起廢之功不載無以爲來者法則都人士士之過也且渠
耳胡公闢於前卽有今胡公濬其後昔胡公聞之而先大司
農佐其成今胡公濬之而余又得觀其成倘亦有數焉於其
間耶遂泚筆而記其事

重修廣濟利豐河渠碑記沁水自晉境折入濟源之枋口昔
人引以灌田其來舊矣顧渠口初未審形勢之便易湮淤遂
通塞不常時有興廢明萬歷庚子間大司馬鳳翔袁公應泰
令河內相度水勢鑿山爲洞置閘司啟閉引水出洞口沿滔
汨汨東南流歷濟河溫武四縣界又數分支流以資遍溉名
曰廣濟洞渠其役甚衆其慮始甚周其落成甚艱而其永濟
乃甚溥其下又有利仁豐稔渠用濟廣濟之不及而膏腴沃
壤幾盡境內越數十載渠漸淤塞僅存涓涓細流而澤不下
窵邑侯孫公目擊心傷謀爲疏濬之舉初有慮鳩工之難者
侯曰否因民之所利而利之其張者吾以公服之其好者吾

一道利人河分水口以上小河一道又小河一道石陰洞一
眼王寨前石陰洞一眼王寨後小河一道又小河一道河頭
西石陰洞一眼拆開者四塞河者六毀石洞者三業紀其事
於碑後又買葛汝江地十七畝李思孝地七畝李蘭妻地七
畝為利豐河身蓋豐稔與利人同口口之下水必盡為我有
豐稔之廢與任嘉靖前者不可問余曾叔祖不難以七百餘
金用廣灌溉已越百年廢興雖亦時有至利人強同久淤者
曷得焉又售其奸竟爾格格不能不有憾於其際云若三小
甲初未嘗不同力也迨既隸永利則風馬牛不相及矣及其
訟爭又以數金絕之即世能等貪心難饜何至挾闕辭以偏
處此若曰利人曾借其地為身是亦利人事也王寨村北之
洞不足言報乎明天啟二年世能輩開興利河因其勢而利
導之愈於扼其吭而奪之食也至無說可恃而為閘為河為
餘里中作而覺欲殺之國口渠成亦秦之利也卒就渠於是
關中為沃野無凶年然秦受其寵而他字其利可乎喻政於
馬去其害馬者則割水於馬亦去其害馬者已耳先中丞以
祖意所在期于無忝余懷惟析薪不克負荷亦何敢膜
置之也又豐稔至濟之渠不役而溉業有年矣謬為之說
曰水興地市有利夫六名之免帖在萬歷四十六年張汝魁
曾見之映以日影則改為一六者汝魁尚在可問問易水之

地則架橋旁趙永國之二畝五分也順治三年八月永國已受金錢四十千非其有矣抑何所借以爲口實乎正其借以鑿非種所不容已者或曰後河身於東數里遠其捍吞是亦一道深有望於後之人故附記之

乾隆四十八年利人河濟民霸水各上憲斷案始末節畧
利豐渠修於前明嘉靖二十五年屢經廢興萬歷四十四年

利豐渠修於前明嘉靖二十五年屢經廢興萬歷四十四年河邑侯胡諱沾恩力興大役協邑紳范大司豐濟世等捐資穀買地畝開山鑿洞佐其成功建太平閘分水爲二名曰利人豐稔萬歷四十六年河內邸公諱存性移太平閘于程村之西更名曰天平閘仍分爲二渠東流者卽今爭控之利人河其尾繞府城東關入於沁長七十里共枋夫一百四十餘名澤田二百八十九頃地因水利糧納上等其水雖發源於沁源之五龍口而河口河身皆河內用價置買故間有利地之在梁庄曲塚者止枋夫五名澆地不過十一二頃俱在河內水冊派造列爲五堰按時分刻上自下堰挨次而上一月兩輪不容攙越百年舊例摠屬如此除梁庄曲塚每月十四二十九日兩號水利外若王紫程村許村安村朱村等無枋夫水冊無名皆屬無利所以河內志書詳列利豐水利而舊濟志不載濟民恃居上流垂涎水利漸開私開造水車植蘆葦種種侵霸屢控屢違雍正七年河邑馬公諱騫雲通詳各憲會員理勘毀其車閘芟其蘆葦立碑于城西李家橋上憲

并飭濟邑湯公亦勒石永禁取其墨榻府卷現存可查乾隆
十七年濟民又私開溝渠河內胡公諱睿榕詳請上憲盡行平
毀卷亦在府可查二十三年薩太尊飭令河濟溫三縣會勘
挑河尋覓黃龍洞口舊跡芟除濟民蘆葦折毀水車開口彼
時濟民王寨村李德李三統之後李大文等以詳陳河利等
情混稟府憲蒙批令遵照馬公前斷嚴催押拆如再抗違先
行拏究濟邑蕭公諱應植自知濟民無利具詳府憲其畧云
卑職現在遵奉憲檄除止留葛姓水車一輛外其餘一概督
令拆毀仍令南程等村無利之戶各按地頭勤加疏濬往其
前隙凡地高於水者用桔槔稱水水高於地者用笆斗戽水
俾得其沾利澤府存三縣合用印冊可查自二十三年至二
十六年不過三載蕭公豈遂忘之而又將無利數村增入新
志自相矛盾乎顯係濟邑經手紳士并奸吏徇私謀騙之故
况辛巳水災河口冲壞領帑修築無梁庄以上村庄三年
代徵還項盡屬河邑解辦濟民利不問昭然今濟私造偽
志硬增利豐水利添入無利地畝九十餘頃屢控府憲叠行
票催濟邑張公左袒推延虐害不告新志忽行增入其為經
飭水利有關民生舊志無不告新志忽行增入其為經
手紳士徇利謀騙可知况利
塚二村其餘俱歸河邑
慎勿推延致留訟端此
成例係刷印呈送各憲若不

利渠縱一時斷明而偽跡猶存公機仍伏侵騙根株長此安窮遵將說單并各斷案詳合河均感斷案節畧碑文雍正八年因商民私種蘆葦私建閘口置水車侵霸利水馬縣尊駁雲通詳各上憲奉委巡河通判朱治孟縣知縣李麟源會詳查將有利之戶造冊送府川印發縣存案設立堰長照號使水自下而上不得攙越至河紳楊姓價買濟地開河不惟勒之於石而又筆之於書至今銀數地主班班可攷應將私建私置之處拆去機心毀其閘底芟其蘆葦將見百年未結之案從此一旦水釋第恐雨澤有愆期之日寧有水流濟地忍坐視數村之枯槁而不與杯勺以潤之者責令南程程村安許朱等村一帶無利之戶按地疏濬往來於各畝頭凡地高于水者用桔槔稱水灌地水高于地者爲芭斗耳水灌地不得私建閘堰在濟民無利者可免枯槁之憂于下流亦無所妨碍上下相安爭端自息然須取其無利民情愿疏河認狀甘結由該縣送本府併水利廳衙門案知伊等疏濬潦草或有壅阻情弊許下流之民赴各縣查究勒碑遵守總督田總河嵇北懷慶府轉飭該縣縣印報查繳圖存查河內立碑于李家橋濟源縣墨榻現存府房兩碑語俱同碑載河內楊紳用金員濟民李文紀等七十三戶計地一頃三

六年胡公睿格斷案乾隆六年七月三十日濟民田起
等開私渠打堰攬水借曲塚有利之款霸澆額外無利之
地河邑胡公睿格詳請上憲平填無利溝渠仍將曲塚等村
每月止許十四二十九日兩號使水時刻勒碑於王歡閘上
并將沙溝村北十婆婆廟西有無利清渠二道直通沁河以
有用之水置無用之地一例填平濟源縣陳公愷河內胡公
兩縣會詳奉批田起忠如詳折責發落餘免深究至王歡閘
民人非時截水為下游之隱害該縣議將使水時刻勒碑閘
上并于分水支河建立小閘封鎖以時及閘填塞無利清溝
以防漏洩俱屬妥協仰即如詳行取碑墓送驗備案繳河圖
存

乾隆二十三年薩太尊斷案乾隆二十三年薩太尊飭令河
濟溫三縣挑廣濟利豐等河搜尋黃龍洞舊跡芟除濟民壅
水並折毀水車私閘濟民李德李大文欲修水車混票
薩太批廣濟河成之始詳分二十四堰每月兩輪照號用水
挨次引灌必先武陟次溫次河內濟源自下而上不許紊
亂並無許用水車之議詳載誌乘百有餘年嗣因濟民或建
橋閘或開滿洞或置水車或種蘆葦種種奸霸阻攬水利結
訟不休迨雍正七年詳奉委員履勘議詳內開查廣濟河濟
民李化雲等水車五輛利豐河濟民李定宇水車一輛惟葛
自新係開山公直萬汝能之子孫有功於河隄其在永置堰
使水地高于水者桔槔稱水水高于地者色斗其水其餘一

概拆毀等語詳奉總督部院批准轉飭遵照在案爾等並不遵照仍復留存本府因念已經前據飭詳批押令折毀不究違抗之罪已屬萬幸何得復敢混竇若論袁公胡公之舊制則葛白新之水車亦不應留矣仍候嚴催拆如再抗違先行拿究河濟溫三縣會勘具詳其濟令蕭應楠詳畧云遵奉憲飭除止留葛姓水車一輛外其餘一概督令拆去違者重究仍令南程等村無利之戶按地頭勤加疏濬准其遵照前斷凡地高于水者枯槁利水高于地者色斗厚水俾得共沾利澤薩太尊批雍正八年議詳內開該河在濟境者責令南程等村無利之戶按地頭疏濬准其于各家啣頭地高于水者枯槁利水高于地者色斗厚水取具無利地戶情愿疏河認狀甘結業已三十年而石壩磯心竟未拆毀每年仍復用車盜取利水實屬頑梗役情况本年該處刁民仍攬用利水經本府飭查又復以地換水曉曉置辨業已據詳飭禁及飭挑河亦未據有情愿疏河認狀甘結投遞今該已據有利地戶出夫挑後每年歲挑亦易為力更未便准遵照前斷其沾利澤也其修砌河帮並永禁開種河帮之地及開洞口既據會勘應行興舉繳

丹河水利在東岸者曰上秦渠 小丹河 三郭渠 董下

渠 白沽渠 張濟渠 老武渠 太保渠 張金渠

陳添渠

以上在東岸分水

郭魯渠

流勞渠

花園渠

以上在西岸分水接

入東岸

灌田 東岸共溉田一百餘村

以上諸渠

流經西吳村

莊西村 新莊

鴨王村

許

良鎮

狄家嶺 呂家店

陳萬村

機房村

前李村

西

莊

後李村 小庄

後小庄

閔家拐

西張店

東張店

濟村

劉家十字

二仙廟

劉家拐

小屯

東張店

馬村

陳家庄

洛村

劉村

崔家庄

殷家庄

東大梨園

西大梨園

丁家庄

胡家庄

下水磨

下水

前柳庄

後柳庄

東南村

牛家庄

西中道

七方

磨店

莊頭

磨頭

南道

東中道

蘇家秦

村

途王村

監軍庄

上期城

下期城

蘇家秦

花園

管家街

馬營

西上庄

東上庄

清化鎮

四溝

五里店

顏家庄

栗家庄

董家庄

唐家庄

莊

齊家庄

又趙村

簾子張家村

竹園馬家村

謝

楊家庄

皂角樹村

井石橋

小新莊

南岳村

謝

家庄

永礮

磚井

張千

蔣家村

前李家庄

李家窪

官莊

武家庄

賈李村

太子莊

蘇家庄

村

閻家谷托

王家谷托

東向家庄

王皇廟村

向家庄

冠家村

范家庄

東向家庄

草場寺

各既民田

田

不等

在西岸者曰上清渠 下清南北二渠 中泗渠 康濟渠

秘澗渠 廣濟民渠 西岸共溉田四十餘村兩岸共寸

九渠分九堰取水故俗呼曰九道堰

以上諸渠流經張家坡 廉家坡 山王庄 西張家坡

郭家庄 趙家庄 萬善鎮 西張作 景明 唐王

莊 馬家庄 道口 路家庄 和尚庄 閻家邪 沙

灘園 官庄屯 結義廟 李家巷 雙磨村 徐家巷

馬家巷 姑姑寺 王家庄 張家庄 蓮花池 范

家庄 楊家村 大郎寨 邢臺 石家庄 新店 王

家庄 七里橋 義河 沁陽 葉家屯 薛家莊 婁

家庄 徐家屯 董家莊 水北關 北金村各灌田不

等

府志云九道堰渠丹水在河內縣西北由方山入境出山東

南流二十五里為九道堰分二十三渠堰之北東一水東出

為小丹河蘇土人呼南流者為大丹河云河由九道堰下

而西迤南而折東徑清化鎮西又東至北金村匯於沁

上秦渠在諸渠之上丹河東岸入渠東民渠府上秦渠至九

入渠迤東徑清化鎮南又東至西民渠自丹河東岸入渠

太師庄西入小丹河長十九里渠即舊志所云小丹渠者也董下東渠自九府墳西民

南入小南河長十九里按此二董下西渠自辛莊庄董下東渠分北入渠

入沁長三十里渠舊統名三郭渠自九道堰下東岸入渠東流南迤張濟

曰董下渠三郭渠自九道堰下東岸入渠至張白沽渠自堰下東岸東分

渠自堰下東岸東分入渠至張白沽渠自堰下東岸東分

張金渠長老武渠自秋家嶺白沽渠南分入渠東大太保

十五里渠自堰下東岸東分入渠至小太保渠自堰下東岸東分

渠靈官廟入沁長三十里至靈官廟仍入小太保渠西分入渠

里

陳添渠

自陳範村入大丹河長三十里

郭魯渠

自堰下東岸分入

渠東南至祭村入大

流澇河

自聖母廟郭魯村西分入渠至張村入大丹河長十五里

花園渠

自聖母廟郭魯渠西分入渠至二仙廟入大丹河長十五里

上清渠

自河入渠西

北流折而東至景明村入

下清南渠

自堰下西岸西分入渠至楊花村入沁長

十三

下清北渠

自張坡村下清南渠分水入渠至楊花村入沁長十里

中河渠

自堰下西

岸西分入渠至沙灘

永興渠

自龍王廟中河渠西分入渠至北金村入沁長三十

里

康濟渠

自堰下西岸西分入渠由閘家斜至邛台村入澇河長十里

流凌渠

自堰下西岸閘

家斜分水入渠西折而南

至沁陽村入沁長二十里以上長三十五里在東岸者灌

地一百餘村在西岸者灌地四十餘村

舊志有秘澗渠廣濟民渠無永興流

浚渠名然攷之縣圖則又有永興秘澗而無廣濟及廣濟民渠大約先後異稱附志於此

小丹河

一名預河丹河水分支在九道堰之北東一水東出

設石斗門以分水入衛河濟漕者也徑清化鎮又東經太師

庄縣境二十五泉水左右入焉

薛家泉 在太師庄北長三里 王家泉 在太師庄東北長二里入河 史家泉

在薛家屯 楊家泉 在薛家庄村北三里入河 沙泉 在磚井村五里入河以上俱在小丹河北

四府泉 在東界溝村東北 朱家泉 在東界溝村東南 老牛

泉 在白馬寺西 杜家泉 在王保村南 斜泉 在老牛泉東 滙

周家泉 在斜泉東之東張趕村 白馬泉 在白馬寺前 孫家

泉 在蘇庄東 岳家泉 在胭脂粉庄 滙 又楊家泉 滙岳家泉入河 新泉

滙楊家 滙新泉 葦園泉 在東張干村 東岳泉 在東張干

村四里滙吳家泉 在東張趕村 官泉 在東張趕村 蘇家

泉 在蘇家屯北 騷狐泉 在蘇庄三里入河 漂布泉 在諸葛庄 又孫

家泉

俱在小丹河南

以上計長六十二里

兩岸子

共一

百四十五里

知縣胡睿榕新修河渠碑記畧孝敬村址接張村烟火千家
四西鄰太保東距張濟南逼巨沁北臨大滂地勢低窪河水
四注為淤澤者百有餘年以故公私交困張村寺之西河形
尙存疏而浚之百餘步即可穿堤達沁太保河之水患可祛
也孝敬村茶菴之南河跡雖掩而樹木夾道若絕若續宛似
河形若能疏濬如張村式張濟河之水患可除也夫水通則
流暢若壅而遏之其不為患者鮮矣且二河之水皆從九道
堰分來源源不絕來多去少害孰大焉惟薛君樂天熟悉河
理爰令宿工所而董率之及隄而穴閘制依然板木已毀方
知千古有同符者也河成而從前蓄一洩夏麥大登是秋
霑潦各郡災侵吾邑晏然是知兩閘之設古人原為兩河尾
閘而大滂河者又恐兩河宣洩不及故更注之東以達丹耳
至兩閘壅塞三河之水併于一河無怪乎洋溢四出而汨沒
日甚也數十年來顛連莫告者非悼古人之良法而自卽於
窮厄乎但民情難于慮始可與未成當久經湮沒之後而欲
其勇往以從也難矣雍正四年春奉旨濬丹曾絕大滂之尾
改流入沁卽於此地按畝挑疏切竟無成虫虫小民遂以為
前鑒不遠阻撓之志橫據于胸中而不可奪苟非持獨見而

不掘不能排衆口而立斷是役也張村街後柳樹邊起至丹河邊止重挑舊渠三百三十七丈五寸未損民間尺寸之土洩邊止重挑舊渠三百八十二丈五寸未損民間尺寸之土洩出蔣村窪地十七頃十八畝西張村地二頃四十畝東張村地三十一頃十七畝西界溝地十頃八十九畝孝敬村地二十三頃二十八畝七分在村地十頃六十四畝程村地十八頃三十二畝水白土洩遂不下沿以若南李村若張孺若良土若武格衆歷年湮沒之地又得免王汗瀛者三十二頃共地一百三十五頃八十八畝爰定其修守之法以垂于後俾世樂其利云

濟河水利千倉渠唐河楊節度使溫造築堤鑿渠有上下二

堰上堰用濟池水即濟瀆廟之池按濟水有二源此東源也下堰用龍潭水此西源也

在原二源水至程村合流名豬龍河乃濟水之幹河也東南城西

逕水東村絕永利利豐兩河統計三十五里入河內境栢香

鎮又東南逕朱家庄李村韓吳村東沁之豐稔河南支水入

焉又東逕崇義鎮入溫縣境雙流村沁之豐稔河北支水入

焉又屈而東南流至坨塢村入黃河計九十里爲大禹導濟故道

順利渠

印縣城內之濟水也

府志云一小支東北流曰濟河元

至正間總管石林由河內栢香西門外開支渠引水入縣城迤東架二橋一曰利津一曰覽勝漚爲天鷺池又北至義臺寺後漚爲大池由禹王臺開出城濠漚於雙橋潞河至龍澗村入於沁計六十五里渠已久淤康熙二十一年知府龔公其裕乾隆二十四年知府薩寧阿公先後浚之年久失修四十八年知府布顏公親行履勘工始於九月十八日竣于十月十二日口寬二丈八尺底寬一丈七八尺不等深一丈水勢通暢澆濟源河內地一百二十餘頃

文昌閣下小渠

府城東南角地名史家坑者爲南門以來街巷雨水漚集之處出水關小渠歸城濠

進雙橋勞河禹王臺下小渠府城內東北濟水滙集出間口由小渠迤南出小石橋歸城豪入雙

橋勞河雙橋滙濟水及城中積水東過溫縣橋至龍澗村入于沁河身狹隘岸多沙最易淤塞乾

隆二十七年知府沈公榮堤道在河內栢香鎮東南朱家莊西引滹龍水入堰徑西

昌深通為郡城洩水要區小召村寺上村張家庄小村東小召村至崇義豐利渠在

鎮西南仍入豬龍河灌他四十八頃乃古渠也內乾隆二十四年知府薩寧阿公于李村西北建腫開渠分引猪龍河水紆至前韓吳大村入豐稔河灌地十一頃

零

堯河水利源出担堯堯池流經長樂魯村清河高村解住魏

村沁陽入於沁自清河下邑令邱存性濬修安阜河灌民田

五百餘頃其清河上流居民隨便引用明隆慶丁卯太守紀

公誠引堯池水灌田名曰惠民渠大學士張四維紀之至天

啟間河內令邱存性復開安阜渠灌漑數村原渠遂涸

惠民渠

任府城西北明隆慶初知府紀公誠引堯池水入渠溉田

安阜渠明萬歷間本縣知縣邱公存性復引堯池水開渠

至龍泉村入於沁按碑記已未乃神宗四十七年舊志作

天啟者誤

李政修新開安阜河碑記吾懷北枕太行故多川澤之利前
令扶風袁公既鑿枋口引其水灌既田疇以萬億計百姓饗
其利矣後十餘年而有我侯侯捷才淵識方駕袁公而至卹
民其利不替袁公是準所已開之澤侯善護之勿壅于奸胥
手其所欲開未開者侯開之而益濟其所不及屬已未大
旱驕陽肆虐民不沾天澤者浹歲矣頻渠之田猶熟中歲其
之饒者皆赤土婦子嗷嗷至踏草鋤樹以支朝暮盡則顛
頭溝壑爾侯曲爲法乳哺之稍稍有起色已乃下令曰均
也而沃土之民與瘠土異則天澤之不如地利審矣且邑故
澤國今沿山諸泉豈無有祈休於汙瀦令可導爲渠者乎游
波有浩瀚而歸無用者乎尾閭有淤塞未飭治者乎余不佞
無能周行靡畝卽推食食爾終未徧孰與濬不涸之源聽而
自食之爲大也先是堯王庶有泉發源行麓迤邐入沁前守
右介議興者數矣而功不就至是有以其可土陳者奏下其

事於倅蘭若蘭出行水一日得其理輒報曰水利何常因其
勢而導之耳此泉由捏掌村至清河而清河不能食其利者
必就清河後故渠繞行則沾溉無幾而潰決之害且不支異
時民勞而無績大抵坐此今第由清河前古道中折而東
則地勢平衍而下順何患勞溢又高村以下十餘里有環絡
此中試引水高下更相濟受歲可令畝一鐘是百世之利
也侯乃以是上監司太守既得可遂與倅治之屬災厲之餘
民貧不能具言鍾侯復在嘉肅之美稟以佐不給而時扶其
惰越旬日遂告成焉渠廣一丈深入尺東西延袤可十五里
灌田約五百頃而竊是役也清河奸民有忌其成阻撓者侯
以三尺威之得寢環渠利戶念成功之不易而欲垂之永賴
也既上請於侯賜名曰安阜而因屬記于不侯不佞至黠洩
無能楚其辭以張大侯功德第括而叙之使異日享侯澤者
肅安阜之名則思所以創繼侯職者襲安阜之功則思所以
守今日居侯上者嘉安阜之休則思所以廣昔西門豹為鄴
發民治十二渠澤流于鄴其君祝令吾臣皆如西門豹之為
人臣也斯非藉水利何以上聞人主哉侯之繼袁公而布利
者駿矣一旦天子聞之下璽書徵擢以為部吏風則侯豈直
安阜一邑即安阜天下由是侯諱存性登丙辰進士直隸
之昌黎人

附錄廣濟渠公田二頃一畝三毫

坐落里村地五十九畝六分武家作地十八畝六分

王瓚村地四十五畝五分南魯村地八十二畝三分三毫前
明碑記原載令公直子孫佃種納糧完租供本河修理公費
後將此銀撥帖沁河橋堡等夫工食大失設立公田本意乾
隆二十三年薩守二十六年沈守先後查明嚴革別項濫支
專留修補本河公費河內縣於年終彙冊報
府每畝定額三錢六分共銀七十二兩零
廣濟減水閘公

田十畝

坐落濟邑許村

大豐源附公田二十畝

坐落河邑南辛村皆利戶公置給開夫耕

種以作
工食

廣濟河公田碑懷慶府河內縣為買田積穀以濟河工以永
水利事業欽差管河兼管水利河南等處承宣布政使司右
叅政兼按察司僉事朱案驗中呈擬兩院據河內縣申稱依
家動支本道原發俸薪錢一百六十七兩三錢四分三釐買
上地一頃六十三畝八分四釐四毫又該本縣節節工費銀
三十六兩一錢五分六釐續買上地三十六畝一分五釐六
毫其地二頃整令民佃種每年除納正糧外每畝定租穀
六斗共穀一百二十石
現任縣為和豐年秋後道城內新
立廣濟倉收貯專脩春荒挑河借給利戶食用候秋及斗
還着不許別項借動仍立循環文簿每兩季赴合符上司商
門例換併租戶收掌人役姓名申報稽查仍將地主姓名
段數地隣四至豎立碑記批此為照本道前任河內知懷

一遇亢旱救濟無策已同該府縣議開廣濟渠矣但河不
清則易淤派民則易擾本道於代庖時遂置田積穀以圖經
久而該縣能助銀增買且欲置循環文簿例換以便稽查規
畫調停具見同心共濟之雅合候詳示刊立石碑以垂永久
等因具呈蒙巡撫批允備案批詳內事理施行等因到縣
蒙此合將前項用價買過地段畝數四至并議定租穀備細
刻立石碑令後來知此穀專濟河工不得別項借動亦不得
任民逋負永為遵守施行計開一利上七圖南魯村民梁鶴
共地五段計地七十四畝三分每畝價銀一兩一段地二十
四畝三釐七毫東至公田西至路心南至河岸北至竹園一
段地一拾七畝八分四釐一毫東至路心西至小河南至楊
進禮北至楊守仁一段地一十畝三分四釐五毫東至梁守
成西至呂加言南至廟北至小河一段地九畝四分八釐四
毫東至楊進西至崔登南至河岸北至廟劉琴一段地八畝
東至李發西至段五南至武堰河北至黃澄清每畝價銀一
兩利上五圖東王讚村民周天眷地二段共二十畝每價錢
一千文共錢二十千文折銀二十三兩五錢三分一段地一
十六畝東至路心西至小河南至河心北至本主一段地四
畝東至小河西至河心南至本主北至周友年周宰一段地
二十畝東至道西至河心南至劉遇北至劉遇每畝價銀一
兩利上六圖武家作民蕭守祖地二段共一十八畝五釐六
毫每畝價銀一兩共銀一十八兩五錢六釐一段地十四畝

四分一釐三毫東至小河西至張貴南至武堰河北至馮春
雨一段地三畝六分四釐三毫東至本土西至蕭化南至本
主北至路里村民馮春榮一段地一十七畝四分東西至河
界南至馮應節北至賀應舉每畝價銀一兩馮應時一段地
七畝九分二釐東至小河西至路南至張明北至李孟時每
畝價銀一兩馮應節一段地四畝四分二釐四毫東至河西
至路南至劉計道北至馮春榮每畝價銀一兩馮伯千一段
地二十一畝二分東至小河西至路南至馮伸北至張恭每
畝價銀一兩馮春魁一段地八畝七分東至小河西至路南
至賀成北至劉計道每畝價銀一兩吳進才一段中下地一
十畝東至吳宗孝西至賣主南至廣濟河北至小河每畝價
銀四錢吳宗孝一段中下地一十畝東至張思聰西至吳進
才南至廣濟河北至小河每畝價銀四錢大豐堰開夫耕種
又濟源縣民沈良貴一段地一十八畝東至段本直西至董
智孝北至利人河南至小河心每畝價銀一兩減水河開夫
耕種各爲看閘工食 欽差管河利河南等處承宣布政使
司右叅政兼按察司僉事朱思明懷慶府知府王命爵同知
通判賈熙載唐元偉通判劉東騰推官趙元吉縣丞唐時雍
河內縣知縣袁應泰主簿汪增彩典史胡深同立石萬歷癸
卯七月吉日

祠祀志

河

祠祀之禮典至鉅也一邑雖小然

國家懷柔百神之意罔不備焉守土者恪其祀事宜盡其誠而綿蕞之儀犧牲品物之數及羣小祀之設當有所考索而知也作祠祀志

社稷壇

在 西二里 會典每歲春秋仲月上戊日祭

禮部則例 一凡直省府州縣各擇爽塏之地建社稷壇

均北向歲以春秋仲月上戊日爲民祈報府州縣皆正印官

將事以各學教官糾儀生員充禮生

儀注直省祭

社稷壇像陳祭品每

卷十四

神位前各帛一銅二簋三遵四豆四爵二簋三其羊一豕
一尊一祭日鷄初鳴承祭官以下咸朝服齊集黎明贊引
禮生二人引承祭官詣盥洗所盥洗通贊禮生贊執事各
司其事贊引者引承祭官至階前拜位立引班禮生二人
分引陪祭官文東武西各就拜位序立乃迎

神贊引者引承祭官升壇詣香案前司香跪奉香承祭官
三上香復位行三跪九叩禮陪祭各官皆隨行禮奠帛初
獻爵司帛奉篚進跪奠篚司爵奉爵進獻爵奠正中皆退
司祝禮生至祝案前跪承祀官暨陪祭各官皆跪司祝讀
祝畢詣

神位前跪安于案叩如初退承祭官暨陪祭各官行三叩
禮亞獻爵奠於左終獻爵奠於右均儀如初獻乃徹饌送
神承祭官行三跪九叩禮陪祭各官皆隨行禮司祝奉祝
司帛奉帛送瘞所承祭官轉立拜位西旁東面候祝帛過
復位引至望瘞位望瘞贊引告禮成引退衆皆退

祭文

惟神品物資生蒸民乃粒養育之功司土是賴惟茲

春秋仲

式陳明薦 尚贊

至聖先師廟

會典直省府州縣歲以春秋仲月上丁祭

先師於類宮會城以督撫學政將事司道府縣分獻學政

巡試屬郡及道員之分駐各府者卽于其地將事以府州縣分獻餘以正印官將事佐貳分獻監理以師儒贊引執事以生員中和韶樂羽籥之舞及牲登銅簋簠邊豆尊爵之數將事之儀均如

太學丁祭禮

案典儀先祭一日樂舞設於

大成殿外階上分左右懸至日五更正獻官入廟至更衣所少憩贊引生請行禮正獻官出次盥洗贊引生導正獻官由旁階自殿左門入至拜位前北嚮立贊禮生引分獻官至階下左右序立北面典儀生贊樂舞生登歌執事官各其廼職文舞六佾進贊引生唱就位正獻官就拜位立

廼迎

神司香生奉香盤進司樂生贊奉迎

神奏昭平之章贊引生唱就上香位導正獻官詣

先師香案前立司香生進香贊引生唱上香正獻官立上
柱香次三上瓣香唱復位正獻官復位唱跪拜興正獻官
行三跪九叩禮奠帛行初獻禮司帛生奉篚司爵生奉爵
進奏宣平之章舞羽籥之舞司帛生詣

先師位前跪獻三叩司爵生詣

先師位前立獻奠正中皆退分獻官各詣四配十二哲兩
廡先賢先儒位前上香奠獻如儀司祝至祝案前跪三叩
奉祝版跪案左樂暫止正獻官跪分獻官皆跪司祝讀祝

畢詣

先師位前跪安於案三叩退樂作正獻官行三拜禮興行
亞獻禮奏秩平之章舞同初獻司爵生詣

先師位前獻爵奠於左儀如初獻行終獻禮奏敘平之章
舞同亞獻司爵生詣

先師位前獻爵奠於右儀如亞獻分獻官以次畢獻均如
初樂止文德之舞退乃徹饌奏懿平之章徹饌畢送

神奏德平之章正獻官行三跪九叩禮有司奉祝次帛次
饌次香送燎所正獻官轉立拜位旁西嚮候祝帛過復位
樂作祝帛燎半唱禮成導正獻官由殿左門出先是正獻
官至更衣所時贊禮生引

崇聖祠承祭官入祠左門盥洗畢引詣殿階下正中興儀贊執事生各共廼職贊引生贊就位引承祭官就拜位立廼迎

神司香奉香盤進贊引生贊就上香位引承祭官升東階由殿左門入詣

肇聖王香案前立司香跪奉香贊引生唱跪承祭官跪一叩贊上香承祭官上柱香次三上瓣香一叩興以次詣

裕聖王

詒聖王

昌聖王

敢聖王位前上香儀同唱復位引承祭官退至殿左門立

贊引唱承祭官詣四配位兩廡從祀位前上香如儀復位
贊引唱跪叩興承祭官行三跪九叩禮畢奠帛行初獻禮
執事生各奉篚執爵進承祭官受篚拱舉奠於案司爵跪
奉爵承祭官受爵拱舉奠於正中一叩興以次奠獻畢司
祝至祝案前三叩奉祝版跪案左承祭官詣讀祝位跪司
祝讀祝畢詣正中

神位前跪安於案三叩退承祭官行三叩禮畢仍由殿左
門出復位四配兩廡奠帛獻爵各如儀復位次亞獻奠爵
於左次終獻奠爵於右四配兩廡畢獻儀均與初獻同徹
饌送

神承祭官行三跪九叩禮執事生奉祝次帛次饌次香送

燎所承祭官避立西旁東面俟祝帛過復位引詣望燎位
望燎引承祭官退

祭文

維

先師德隆千聖道冠百王揭日月以常行自生民所未有
屬文教昌明之會正禮和樂節之時辟雍鐘鼓咸恪薦於
馨香泮水膠庠益致嚴於籩豆茲當春秋仲祇率葵章肅展
微忱幸將祀典尙饗

孔子三代五王祭文

惟王奕葉鍾祥光開聖緒盛德之後積久彌昌凡聲教所
覃敷率循源而溯本宜肅明禋之典用申守土之忱茲屆

仲春秋聿修祀事尙饗

文昌廟

在城東北卽覃懷書院中楹修建正殿奉祀

儀注 春秋仲月諏吉致祭前殿帛一牛一羊一豕一鐙一

鉶二簠二簋二邊十豆十尊一爵三醢一鐙二和聲署設樂後殿祭追

封三代公三案各帛一羊一豕一鉶二簠簋各二邊豆各

八尊一爵三醢一鐙二祭日前後殿主祭官咸朝服詣廟

贊引太常贊禮生各二人引由殿左門入詣前後殿各升

階至殿門外就拜位前北面立典儀生贊執事官各共廼

職贊引生贊就位主祭官就拜位廼迎

神司香生奉香盤進贊引生贊就上香位引主祭官自殿
左門入詣香案前贊上香司香生跪奉香主祭官上柱香
次三上辦香贊復位引主祭官復位贊跪叩興主祭官行
三跪九叩禮後殿贊引生引後殿主祭官詣三案上香行
二跪六叩禮奠帛初獻爵司帛生奉篚司爵生奉爵進至
神位前司帛生跪奠帛三叩司爵生立獻爵奠正中皆退
司祝至祝案前跪三叩奉祝版跪案左主祭官跪司祝讀
祝畢奉祝版詣

神位前跪安于案叩如初退主祭官行三叩禮後殿執事
生奠帛獻爵司祝生讀祝各如儀亞獻司爵生獻爵奠于
左終獻司爵生獻爵奠於右後殿以次畢獻均如初送

神主祭官行三跪九叩禮後殿主祭官行三跪六叩禮有司奉祝次帛次饌次香奉送燎所主祭官避立拜位旁東面候祝帛過復位引主祭官望燎告禮成引退後殿主祭官望燎引退如儀

祭文

惟神神功赫奕聖德昭明位分天象職司台衡朱衣赤舄耀於七星贊元開化啓秀育英晉天欽仰斯文丕興今屆

仲春虔薦豆登尚饗

先農壇

禮部則例直省耕藉雍正四年議准奉天直隸各省於該地方擇地爲藉田以雍正五年爲始每歲仲春府尹督撫

及府州縣衛所等官率所屬耆老農夫行耕耨禮該督撫將設立耨田畝數報明戶部禮部存案五年議準直省各擇東郊官地潔淨豐腴者立爲耨田如無官地動支帑銀置買民田以四畝九分爲耨田每歲耕耨之日祭

先農禮畢各官咸易蟒袍補服州縣正印官秉耒佐貳執青箱播種專城衛所正印官秉耒如無屬員卽選擇耆老執青箱播種耕時用耆老一人牽牛農夫二人扶犁悉照九卿之例九推九返農夫終畝耕畢各率耆老農夫望闕行三跪九叩禮其農具用赤色牛用黑色箱用青色所盛籽種各從其土之宜卽耨守

壇農夫灌漑田地方官不時勸課將每年所收米穀及用

過案盛數目造冊報布政使司送戶部覆實至各省耕藉
日期每歲十一月

頒時憲書後交欽天監擇日由部奏請

欽定通行奉天府尹直隸各省督撫轉飭所屬同日舉行
永著爲令

祭文

惟神肇興稼穡粒我烝民頌思之德克配彼天念率育之
功陳常時夏茲當東作咸服先疇洪惟九五之尊歲舉三
推之典恭膺守土敢忘勞民謹奉爰章聿修祀事惟願五
風十雨嘉祥恒沐於神庥庶幾九穗雙岐上瑞頻書於大
有尙饗

關帝廟

會典直省府州縣春秋二仲及仲夏中旬三日均祀

關帝均與祭

京師

關帝廟儀同

儀注凡祀

關帝之禮歲以春秋仲月諏吉遣官祭

關帝於地安門外之西

關帝廟前殿後殿

神位均南嚮前殿帛一牛一羊一豕一鐙一銅三簋二簠

二遵十豆十尊一爵三盃一鐙二和聲署設樂後殿祭追

封三代公三案各帛一羊一豕一劍二簠盤各二邊豆各
八尊一爵三鑪一釜三祭日前後殿主祭官咸朝服詣贊
引太常贊禮生各二人引由廟左門入分詣前後殿各升
階至殿門外就拜位前北面立典儀生贊執事官各其廼
職贊引生贊就位主祭官就拜位廼迎

神司香生奉香盤進贊引生贊就上香位引主祭官由殿
左門入詣香案前贊上香司香生跪奉香主祭官上柱香
次三上辦香贊復位引主祭官復位贊跪叩興主祭官行
三跪九叩禮後殿贊引生引後殿主祭官詣三案上香行
二跪六叩禮奠帛初獻爵司帛生奉篚司爵生奉爵進至
神位前司帛生跪奠帛三叩司爵生立獻爵奠正中皆退

司祝至祝案前跪三叩奉祝版跪案左主祭官跪司祝讀祝畢奉祝版詣

神位前跪安于案叩如初退主祭官行三叩禮後殿執事生奠帛獻爵司祝生讀祝各如儀亞獻司爵生獻爵奠于左終獻司爵生獻爵奠于右後殿以次畢獻均如送

神主祭官行三跪九叩禮後殿主祭官行二跪六叩禮有司奉祝次帛次饌次香恭送燎所主祭官避立拜位旁東面候祝帛過復位引主祭官望燎告禮成引退後殿主祭官望燎引退如儀

祭文

惟

帝浩氣凌雲丹心貫日扶正統而彰信義威振九州完大節以篤忠貞名高三國神明如在徧祠宇於寰區靈應丕昭薦馨香於歷代屢徵異蹟顯佑羣生恭值良辰遵行祀典筵陳邊豆几奠牲醪尚饗

關帝先代三公祭文

惟公世澤貽庥靈源積慶德能昌後篤生神武之英善則歸親立享奠崇之報列上公之封爵錫命優隆合三世以肇禋典章明備恭逢諏吉祇事薦馨尚饗

忠孝節義名宦鄉賢等祠

會典及

續定禮部則例凡直隸府州縣

文廟左右建忠義孝弟祠以祀本地忠臣義士孝子悌弟
順孫建節孝祠以祀節孝婦女名宦祠以祀仕于其土有
功德者鄉賢祠以祀本地德行著聞之士地方官歲以春
秋致祭

儀注每歲春秋釋奠禮畢教諭一員公服詣祠致祭是日
清晨廟戶啟祠門拂拭神案執事者陳羊一豕一邊四豆
四鑪一鐙二陳祝文于案左陳壺一爵三帛一香盤一於
案右引贊二人引主祭官入詣案前北面立禮生自右奉
香盤主祭官三上香訖引贊贊跪叩興主祭官三叩興禮
生自右授帛主祭官受帛拱舉仍授禮生獻於案上禮生
酌酒實爵自右跪授主祭官受爵拱舉仍授禮生興獻

於正中讀祝者奉酒左引贊贊跪主祭官跪讀祝
畢以祝文復於案退主祭官俯伏興執事者酌酒獻於左
又酌酒獻於右退引贊贊跪叩興主祭官三叩興執事者
以祝帛送燎引贊引主祭官出執事者退

忠義孝弟祠祭文

惟靈稟賦貞純躬行篤實忠誠奮發貫金石而不渝義問
宣昭表鄉閭而其式祇事懋彝倫之大性擎蒿莪克恭念
天顯之親情殷棣萼模楷咸推夫懿德

綸恩特闡其幽光祠宇維隆歲時式祀用陳簋盥來格几
筵尚饗

節孝祠祭文

惟靈純心皎潔令德柔嘉矢志完貞全閨中之亮節竭誠
致敬彰壺內之芳型茹冰蘖而彌堅清操自勵奉盤匱而
匪懈篤孝傳徽

河內縣忠義孝弟祠內祀元集賢侍講學士閔本明校尉
王萱游擊黃士英守備衛正印游擊越效忠縣民邵天德
土兵趙湛監兵中軍張鵬翀懷慶衛千戶李守藩廬江王
朱載堉霍邱縣訓導何炳若禮部主事楊之璋

國朝孟縣教諭張爾見表州推官丁運昌 漢孝子郭巨
丁蘭唐太子中舍人王友貞元馬英楊一侯榮丁用郭天
一明孝子王履歲貢生張孝邑庠生黃應選

國朝恩貢生蕭永嗣翰林院編修王錫璋

河內縣名宦祠內祀前懷慶府知府歷升戶部右侍郎崔
徵璧直隸山東河南總督兵部尙書兼都察院右副都御
史李蔭祖兵部右侍郎經畧遼東贈兵部尙書前河內縣
知縣袁應泰河南巡撫前河內縣知縣王漢河內縣知縣
丁泰運河南巡撫李公輝祖河南巡撫太子太保兵部尙
書吳公景道河北道右叅政申公朝紀懷慶府知府鮑公
復昌河南巡撫尹公會一河內縣知縣沈公光榮

河內縣鄉賢祠內祀漢司徒蔡茂南陽太守藥崧魏常侍
王象唐禮部尙書溫造檢校工部郎中李商隱宋龍圖直
學士張旨元懷孟總管通議大夫許文簡公師可中書叅
知政事許文穆公師敬翰林侍讀學士呂文穆公域明澤

縣知縣王翮南京右都御史何文定公瑋巡按御史周道
廣宗縣知縣婁樞山西兵備道劉涇四川按察司副使郝
綰彰德教授簡重厚右通政使何永慶靈石縣教諭王瀛
鹽運使蕭守身四川叅政楊初東輝縣教諭李從諒順德
府教授蕭守美鞏昌府推官鄒之任刑部主事顧師魯山
西布政使王所用

國朝虞城縣訓導劉天池桂林府推官楊挺生淮海道李
政修南瑞道史應選司馬孫嘉顯陝西潼關道叅議
史應聘五臺知縣蔡嘉慶府同知陳來朝廣西巡按
御史范安山西布政使史應選府同知陳來朝廣西巡按
御史范發愚工部左侍郎楊運

昌吏部員外郎任倫信刑部郎中蕭家芝

案河內忠義鄉賢諸祠自乾隆二十六年大水入城多有傾圮其應祀木主或存或亡未經補修奉祀茲特稽考故擬採輯遺聞脩載于此其無可考者則闕之若列女祠之木主全廢亦無從補載矣

厲壇

會典直省府州縣歲清明節七月望十月朔日祭厲壇於城北郊前期守土官飭所司具香燭公服詣城隍廟以祭厲告本境城隍之神黎明禮生奉請城隍神位入壇引守土官公服詣神位前跪興如儀退禮生仍奉城隍神位還廟各退

東壇八蜡之神

春秋上秋上戊日祭乾隆三年以劉猛將軍配享

寇公祠

包公祠

丁郭二孝子祠

韓文公祠

程夫子祠

許文正公祠

何文定公祠

以上俱二八月祭

府城隍廟

正月初四日祭

縣城隍廟

正月十二日祭

火神廟

正月初八日六月二十三日兩祭

縣衙土地祠

二月初二日祭

獄神祠

二月初八日祭

天上帝廟

三月初三日祭

神廟

三月初三日祭

濟瀆行宮

三月十八日祭

東嶽廟

三月二十八日祭

湯帝廟

四月初六日祭

衙神廟

四月初九日祭

天師廟

五月十八日祭

馬王廟

春秋上戊日祭

駁神廟

八月十六日祭

金龍四大王廟

九月十七日祭

芒神

每歲立春日祭

旗纛神

端午霜降日雨祭



